



06979

癸巳存稿卷十三

張天師舊事



晉書何充傳云時郗愔及弟曇奉天師道南史沈僧昭傳云僧昭另名法朗少事天師道士魏書釋老志云寇謙之遇大神太上老君曰自天師張陵去世以來無所師授吾故來觀授汝天師之位則天師之號其來已久三國志張魯傳云自號師君以祭酒領部眾多者為治頭大祭酒其弟衛敗於陽平關魯奔入巴中太祖遣人慰喻魯盡將家出是天師之名由師君得之水經沔水注云灑水南逕張魯治東其西有張癸巳存稿

卷十三

一

連筠移叢書
靈石楊氏葉

天師堂於今民事之所謂天師者指道陵女仙傳云孫夫人三天法師張道陵之妻也自龍虎山居陽平化子衡字靈真孫魯字公祺世號嗣師太平廣記載傳仙錄云張玉蘭者天師孫靈真女也隋書經籍志史部雜傳有正一真人三天法師張君內傳一卷唐志亦有之云王萇撰唐天寶中封太師冊府元龜天寶七載三月詔亦稱後漢張天師唐時稱三天輔教大法師老學庵筆記云天聖八年賜張天師二十五世孫乾曜虛靜先生號蠲賦稅又云大邑鶴鳴觀乃張天師鶴鳴化夷堅戊集云徽宗詔虛靜張天師治同州白蛇虛靜為漢天師三十代孫宋人言天師子孫世次不同今黃冠輩稱

虛靜爲三十二世蓋或就張子房計之或就張輔漢道陵計之夷堅志云虛靜不娶嫡派遂絕今以族人紹其後元時封爲嗣漢天師有道教碑史亦有傳至元三品大德二品至大一品明史方伎傳云張正常元時天師洪武元年太祖曰天有師乎改授正一嗣教真人視二品按王世貞弇州史料云洪武中封張正常爲正一教主嗣漢四十二代天師後定爲正一嗣教真人正二品蓋初尙沿元號何喬遠名山藏云成化五年四十六代真人張元吉犯罪擬絕陰封明史方伎傳云穆宗初改上清觀提點秩五品給銅印萬厯五年復古封江旭奇皇明通紀云隆慶二年停正一真人封授上清觀提癸巳存稿

卷十三

二

連筠篔叢書
靈石楊氏葉

點弇州史料云隆慶中改上清觀提點萬厯中復真人號然真人提點由於官授民間稱天師自若也順治三年江西撫臣進正一真人符四十張得

旨朝廷一用天下必至效尤其置之乾隆十二年改二品爲五品停朝覲筵宴收徽銀印三十一年以請雨升三品五十四年令五年一次至京嘉慶九年換給三品印二十四年仍定爲五品道光初停朝覲其印則明鄭曉今言云洪武十三年於真人銀印外賜以六品銅印曰龍虎山正一元壇之印以印符籙沈德符野獲編云孝宗時給陽平治都功玉印穆宗時收之孫承澤春明夢餘錄云宏治時賜陽平治都功印

刻以玉蓋張道陵舊印如此隆慶元年追回萬厯二年復給之今符錄及醮壇榜文皆用都功印按能改齋漫錄云宋仁宗時有安福令林績毀天師三十三代孫嗣宗陽平治都公印字作公夢溪筆談謂之都工字作工云修醮都工薄有施利今實作都功蓋治頭之義其冠以陽平治則女仙傳言之輔漢靈真公期三世所居也

道士官

道士官正六品爲正一從六品爲演法正八品爲至靈從八品爲至義從九品爲都紀其以府分者爲副都紀州爲道正縣爲道會皆未入流龍虎山正一真人舊爲一品康熙二十年給誥命

癸己存稿

卷十三

三

連筠篔叢書
靈石楊氏采

諭云一切僧道原不可過於優崇若一時優崇日後漸加縱肆或別致妄爲爾等識之

符

太平御覽載黃帝出軍訣七百三十六有龍魚河圖二符太平廣記載神仙傳老子以太元清生符與徐甲魏書王早傳授東莞趙氏一符擒得鄭氏男北齊書吳遵世傳云恒山老翁謂之曰與君開心符遵世跪取吞之符者漢時有印文書名道家襲之黃老書乃漢人述也淮南本經訓云審于符者怪物不能惑是守一之文言非指符錄又道家咒語亦漢式雲麓

漫鈔云急急如律令漢公移常語張天師漢人故承用之道家遂得祖述野客叢書云此沿漢式如今言文書千里驛行其言至通符是漢名如律令亦是漢文今道藏書言律令雷部神名性疾速此與僧說羅刹同一陋謬

神荼鬱律

風俗通引黃帝書神荼鬱律兄弟二人性能執鬼居度朔山桃樹下引此言者甚多或以爲黃帝書或以爲山海經茶或作蔡律或作壘義雖太古亦經淺人附會漢蔡邕獨斷云歲竟畫茶壘并懸葦索以禦凶晉司馬彪續漢書禮儀志云大儺訖設桃梗鬱備是專有茶壘或鬱備一桃木人而不云神癸已存稿

卷十三

四

連筠篠叢書
靈石楊氏葉

茶神蔡晉葛洪枕中書云元都大真王言蔡鬱壘爲東方鬼帝語雖不可據然可知漢魏晉道士相傳神蔡鬱壘止是一神姓蔡名鬱壘漢時宮廷禮制亦以爲一人而通儒及漢時道家黃帝書皆以爲二人乃知古禮制古儒說古道說各不相喻也審究其義神荼鬱律由桃椎展轉生故事耳

屏翳

楚辭天問云竦號起雨王逸注云屏翳雨師名史記司馬相如傳大人賦云召屏翳誅風伯刑雨師下又有列缺豐隆則司馬相如以屏翳爲雲師文選曹子建洛神賦云屏翳收風川后靜波注引植詒咎文云河伯典澤屏翳司風謂曹指爲

風師選注又引虞喜志林云屏翳韋昭說爲雷師喜則以爲
雨師說屏翳者雖多並無明據今案屏翳似雲而號則爲風
楚詞注蓋誤字韋昭知掌故以爲雷師因號生義而不知菲
號自應爲風師天問亦言風號乃起雨也

中元施食

中元施食本道家法藝文類聚道經云中元日作元都大會
於玉京山采諸花果珍奇異物幢幡寶蓋十方大聖齊詠靈
篇囚徒餓鬼俱飽滿免于衆苦得還人中比如富人好善樂
施不必循古法其用七月十五日則道家中元之會也而佛
家學之藝文類聚初學記白帖歲華紀麗並引孟蘭經云日
癸己存稿

卷十三

五

連筠蓂叢書
靈石楊氏琛

連救母母不得食馳還曰佛佛言須十方衆僧威神之力七
月十五日具百味五果著盆中供養大德佛敕衆僧皆爲
施主咒願云云後人遂爲華飾刻木割竹飴蠟翦綵摹花果
之形極工巧之妙今檢釋藏中有晉竺法護譯佛說孟蘭盆
經云七月十五日僧自恣時又云七月十五日佛歡喜日僧
自恣日以飲食安孟蘭盆中又云年年七月十五日作孟蘭
盆施佛及僧按唐元應一切經音義云正言烏藍婆那此言
倒懸則單字還音可爲烏藍婆亦云烏拉縹亦云孟蘭盆亦
云伊拉縹何爲以盆著花果又以盆施佛僧又佛地自有月
法日法當是第五月之末一日不得云七月十五日若佛正

言七月十五日則是中國之八月晦日故知佛用道家中元是僧徒爭分中元之利者爲之也太平廣記載異聞記云唐天寶時任昇之與鄭欽悅

唐書儒學列傳作郭

言梁大同四年七月十

二日得銘其祖昉數日遇孟蘭大會從駕同泰寺則梁時依

法護說用七月十五日唐六典中尙署七月十五日進孟蘭

盆武后于七月十五日內出一盆楊炯賦云陳法供飾孟蘭

青蓮吐而非夏赭果搖而不寒銅鐵鉛錫球琳琅玕映以甘

泉之玉樹冠以承露之金盤又其旁爲少君王子玉女瑤姬

鸞鶴鶯鶯鷓鴣翡翠毒龍狂象罔兩魍魅赤霞蓮花之飾綺

麗可知矣舊唐書王縉傳云代宗七月望日宮中造孟蘭盆

癸己存稿

卷十三

六

連筠篔叢書靈石楊氏棊

綴飾鏤珠設高祖以下七聖位冊府元龜崇釋教云大厯三年七月特賜章敬寺孟蘭盆蓋爲盆而從以菴山之類作佛事者惟此最有實益然是展轉得自道家者也宋孟元老東京夢華錄云中元賣冥器綵衣以竹所三腳如燈窩狀亦謂孟蘭盆挂冥錢衣服於上焚之陸游老學庵筆記云故鄉七月望俗具素饌祀先織竹如盆盎狀貯紙錢承以竹焚之視盆倒所向北則冬寒南則溫東西則得中謂之孟蘭盆此則仿佛法爲之與施食無涉尋釋氏之說餓鬼名面然又名餓口言餓則飢餓出于口而面若然也又言面然爲觀世音變相故有孟蘭觀音譌爲魚籃觀音而又別爲魚籃觀音造一

典故今行六有唐實义難陀譯佛說救面然餓鬼陀羅尼神咒經一卷淵二有唐不空譯佛說救餓口餓鬼陀羅尼經一卷淵十二有瑜珈集要餓口施食阿彌陀緣由一卷又有後漢譯鬼問目連經佛說報恩奉盆經不知妄作止以爭利又有甘露僧造蒙山施食儀

喇嘛

黃教喇嘛多不循謹天聰七年令喇嘛班第出居城外清淨之所旗民人等有請念梵經治病者家主治罪崇德元年三月

諭曰喇嘛等潛肆姦貪直妄人耳蒙古等深信其懺悔超生

癸巳存稿

卷十三

七

連筠篔叢書
靈石楊氏棗

等語致有懸轉輪結布旛之事嗣後宜俱禁止康熙時以鄂爾多斯喇嘛肆詐有

詔窮治捕之發內地爲奴又以喇嘛匿盜著令坐罪康熙三十九年三月

諭曰蒙古惟信喇嘛一切不顧此風亟宜變易倘喇嘛有犯法者卽按律治罪俾知懲戒雍正二年刑部議五臺山喇嘛索納木巴丹強姦民人杜青雲妻王氏王氏持刀詈拒至夜忿極自縊王氏建坊入祠喇嘛比光棍爲首例斬立決著爲令時又以喇嘛欺誑蒙古

命各扎薩克逐之又毀西寧二大黃寺乾隆時衛藏濟仲喇

嘛妄言悞邊事剝黃正法嘉慶十二年達賴喇嘛羅卜藏的
列科派糧物逼死莊頭鄭國泰一家二命復主使鄭珂捏詞
具控奉

旨剝黃斥革

國家之御黃教如此張文端鵬翮使俄羅斯行程錄云康熙
二十七年六月二十七日於喀爾喀地遇番僧言至中國訪
佛不見聞西藏達賴喇嘛似之及往見又非也此番僧甚慧
時達賴于數有所避不出世其事康熙三十二年始發

一曰尼庵議

黠迎雷門外建書院當碧山之陽十里曰碧陽書院舊有尼

癸已存稿

卷十三

八

連筠篔叢書
靈石楊氏棗

庵值書院西南邑人欲爲遷之難其地不果則爲議以告尼

一曰尼庵宜祀本師憍曇彌耶輸陀羅淨檢道馨淨秀及當

庵開山師不當祀佛也西域記秣吐羅國苾芻尼供養阿難

佛國記中天竺比耶尼多供養阿難塔以阿難請世尊聽女

人出家故此非佛及阿難本意亦非尼奉師法也佛本行集

經姨母養育品云摩訶波闍波提是童子正眞姨母釋迦譜

云爾時太子姨母摩訶波闍波提乳養太子梁僧寶唱經律

異相云摩訶波闍波提梁言大愛道隋本行經注云隋言大

慧唐僧元應一切經音義云瞿夷或曰喬曇彌或曰喬達彌

此言明女按瞿夷亦曰瞿多彌或曰喬達摩佛第二妃也此

大愛道正當作憍曇彌佛母之妹國王之次妃本行集經亦謂之國太夫人其命名與瞿夷同取明女明慧好道諸經多譯爲大愛道佛本行集經剃髮染衣品云第二妃瞿夷聖女宛轉大哭時憍曇彌亦然羅睺羅因緣品云憍曇彌爲世尊出家啼哭壞眼此或疑是瞿夷妃事然大愛道于佛恩義至深佛說瞿曇彌記果經云瞿曇彌欲出家三爲世尊所制阿難爲白世尊世尊言女人若出家佛法不得久存中本起經亦云大愛道求出家至三世尊不聽又追至河上阿難爲請是憍曇彌出家因緣最難而尼僧之興實由之因而佛妃耶輸陀羅亦出家妙法蓮華經序品云羅睺羅母耶輸陀羅比

癸已存稿

卷十三

九

連筠篔叢書
靈石楊氏棊

耶尼亦與眷屬俱則明著比耶尼之稱瞿夷之事掩于大愛道阿難有妹亦出家作比耶尼見法苑珠林引分別功德論云迦葉訶阿難爲小兒其妹甚嫌之而不出其名西域女人出家略可指名者佛本行集經有跋陀羅卑梨耶夫婦出家生經有優鉢羅華比耶尼有暴志比耶尼賢愚因緣經有罽蘭比耶尼微妙比耶尼叔離比耶尼金光明比耶尼百緣經有寶光比耶尼孫陀利比耶尼淨衣比耶尼須漫比耶尼善愛比耶尼青蓮花比耶尼楞嚴經有寶蓮香比耶尼金紫光比耶尼又言淫女摩登伽今名性比耶尼雜寶藏經有尸室比耶尼福田經佛座中一比耶尼名曰柰女佛說大灌頂神

咒有修陀利比耶尼增一阿含經有輸盧比耶尼君荼羅比耶尼波陀比耶尼中阿含經有法樂比耶尼皆在許大愛道出家之後佛本行集經耶輪陀因緣品云波羅柰城長者善覺子名耶輪陀忉利天子降胎也佛國最初成優婆夷者耶輪陀母及婦精進苦行品云軍將女難陀也願作聲聞弟子佛言如是婆羅力亦言佛亦許之乞食得善女須闍多善布施願作聲聞弟子菩薩言當如所願則又優婆夷聲聞弟子之別也迨尼法立則有佛說五苦草句經云佛告諸弟子善男子善女子汝已出家佛本行集經轉妙法輪品云善男子善女人捨家出家晉譯生經佛說夫婦經云一時有清信士癸已存稿

卷十三

十

連筠篠叢書
靈石楊氏某

其婦數數欲出家爲比耶尼壻便聽之證得羅漢佛說義足經子父共會品云諸釋女人亦復聚會俱到佛所是其時出家者俱領于大愛道佛母泥洹經云大愛道闍維畢佛擎舍利鉢曰母能拔興丈夫敕令興廟供養增一阿含經云比耶尼中最初得道者大愛道尼最後得道者陀羅俱夷國尼佛說大愛道般涅槃經云五百比耶尼俱是阿羅漢又云五百比耶尼泥洹俱出東方佛令比耶尼共爲起塔佛母泥洹經云大愛道比耶尼有女沙彌三人除僅女五百人增一阿舍經槃涅槃品則云大愛道五百比耶尼又二沙彌尼妙法蓮花經持品云佛姨母摩訶波闍波提與學無學比耶尼六千

人俱摩訶爲大法師六千人俱爲法師耶輸陀羅爲大法師
摩訶受記爲一切衆生喜見如來耶輸陀羅受記爲具足千
萬光明如來又妙莊嚴王本事品云昔淨德夫人今佛前光
照莊嚴相菩薩是佛時比邛尼已有如來菩薩羅漢而學
無學有六千人翻譯名義集選云憍曇彌此云衆主以出家
爲尼衆主故是六千人皆大愛道憍曇彌主之又與耶輸陀
羅爲兩如來自爲一宗男僧供三佛女僧供兩如來不生染
著于佛意合也其中國出家者唐僧道宣廣宏明集歸正篇
僧法琳破邪論及法苑珠林並引漢法本內傳云明帝時後
宮陰夫人王婕妤等百九十八人出家京都治民婦女阿潘等
癸巳存稿

卷十三

十一

連筠蓂叢書
靈石楊氏梨

百二十一人出家帝立十寺七寺城外居僧三寺城內安尼
梁高僧傳云齊僧尙統言漢桓帝時尼衆求受戒不得魏初
東天竺二比邛尼到長安見中土比邛尼與授具戒此乃無
智僧徒僞造以興化胡經爭者梁僧寶唱比邛尼傳云洛陽
竹林寺尼淨檢晉建興中出家洛陽城東寺尼道馨晉泰始
中出家比邛尼誦經馨其始也序云比邛尼之興發源于大
愛道像法東流淨檢爲始按寶唱記道馨事晉泰始乃宋泰
始之誤故序亦始淨檢晉書佛圖澄傳云石虎著作郎王度
奏曰漢聽西域人立寺都邑漢人皆不得出家魏承漢後亦
循前軌晉桓元難王謚書云曩者晉人略無奉佛沙門徒衆

皆是誦胡唐書傳奕傳云漢立胡祠止西域桑門自傳其教西晉以上不許中國髡髮事胡至石苻亂華乃弛厥禁正建興時也安得更有前此後宮出家之事其外國尼來中土者冥祥記晉桓溫家浴尼宋臨川王尼曇輝晉簡文時尼竺道容建興時吳縣東靈寺帛尼梁高僧傳宋景福寺尼慧果淨因共請仇那跋摩曰過去六年有師子國八尼至京言宋地先未有尼那得二眾受戒恐戒品不全又人不滿別因西域人請外國尼來足滿十數于定林下寺結夏安居是尙未有尼寺廣宏明集統歸篇載梁江總記其祖母張氏于宋初隨父張恭子在廣州事尼法瓊僧行篇載梁沈約作淨秀行狀

癸巳存稿

卷十三

三

連筠篔叢書
靈石楊氏采

云本于青園寺出家宋大明七年思別立住處初置精舍泰始三年明帝賜號禪林制龕造像寫集衆經招納同住十有餘人則尼自立寺實始宋泰始故宋後廢帝紀有往青園尼寺偷狗就曇度道人煮之飲酒之事是宋時尼始有寺尼庵宜祀出家本師憍曇彌從出家本師耶輸陀羅此二如來也又祀中國出家本師淨檢中國出家誦經本師道馨中國出家別立住處本師淨秀當庵開山本師某尼

一日尼自有庵當自立法不當受男僧節制也佛說瞿曇彌記果經云女人當行八重法女人不得犯女當盡命于比耶也比耶尼僧祇律波羅提木叉戒經云漏心男子肩以下膝

以上摩觸受樂者漏心男子伸手內住共語受捉手捉衣來
歡喜請坐曲身就共去期者不應共住又云捉戶鉤開他房
戶共男子住與受具足者與一比耶空靜處坐者與丈夫屏
處坐者與男子伸手內住若耳語者知閻中男子坐無鑑而
入者波夜提然又云知僧和合而已如法又云比耶尼欲破
和合僧諸比耶尼應諫則爲尼甚難生經佛說旃闍摩暴志
謗佛經云舍衛比耶尼暴志木魁繫腹似身懷孕因牽佛衣
君爲我夫從得有身不給衣食佛說興起行經云多舌童女
舞杆起腹謗佛淫已使已有身佛乃化鼠嚙衣落杆經律異
相摩那祇全身入地獄經云摩那祇懷杆謗佛法顯傳云外
癸已存稿

卷十三

三

連筠篔叢書
靈石楊氏棊

道女旃遮摩那懷衣著腹似妊謗佛西域記云戰遮婆羅門
女懷木杆謗佛此本不得志之尼所爲生經明著爲尼而外
經論諱之賢愚因緣經波婆黎緣品云彌勒欽仰佛跡有比
耶尼持一死蟲著佛跡處言看斯跡躡殺衆生有何妙哉人
方以尼謗佛尼又自起謗故佛待之最嚴又初無尼寺晉法
汰比耶尼戒本所出本末序云外國法尼不得獨立是也中
國自宋泰始有尼寺則尼必當獨立五代會要云唐天成二
年六月七日敕官中告援齋會外不計齋前齋後僧尼不得
輒有相過如敢故違準奸匪例處斷不得僧于尼寺內開講
如敢故違僧徒三年尼逐出城或僧尼不辨宣傳法會重杖

處死五代史周書世宗紀云顯德二年五月甲戌詔寺院僧
尼各留一所兩所亦別居也燕翼貽謀錄云開寶五年十二
月丁丑詔尼合度者只許于本寺起壇受戒違者重罪許人
告本寺者尼寺也其後奸僧反引此詔謂尼不至僧本寺受
戒爲有重罪尼亦信以爲然陰雖係陽僧尼無夫婦法又不
同居與佛時異則僧不得牽引無尼寺以前佛語抑制尼且
佛初意不度尼正以僧尼同居之故隋書經籍志云佛言滅
度後正法五百年象法一千年末法三千年言正法五百年
者佛母泥洹經云佛言正法當住千年以度女人今止五百
年善見律云佛何以不度女人爲敬法故以度女人滅五百
癸己存稿

卷十三

齒

連筠篔叢書
靈石楊氏棗

歲其言敬法猶非佛旨依般若經初分二分緣起品俱云佛
與五百比丘尼俱又法炬諸德福田經云佛與四比丘一比
耶尼及天帝釋各說所得果報增一阿含經力品云輸盧比
耶尼降伏六師大灌頂神咒佛爲修陀利比丘尼等被惡鬼
嬖召須彌山七萬鬼神大海中五萬鬼神護之則敬法可度
尼佛以度尼依僧異見者生謗僧又內肆正法所以滅損西
域記云摩揭陀國兩菩薩像耆舊傳言此像身沒不見佛法
當盡今南隅菩薩沒過胸臆酉陽雜俎云西域佛金剛坐有
標界銅觀自在像兩軀國人傳言像壘佛法盡隋末已沒過
胸臆其事有徵驗古于闐多高僧今和闐無信佛者廓爾喀

有佛故迹今紅教行不高又衛藏紅教制于黃教乃末法之
驗佛說瞿曇彌記果經云佛告阿難佛剎中不可容女人終
不得五事不得成如來謂男僧不得也中阿含經云若使女
人捨家學道令此梵行不得久住猶如人家多女少男此家
爲得轉興盛耶法滅盡經云佛告阿難我泥洹後奴爲比耶
婢爲比耶尼無有道德淫佚濁亂男女不別令道淡薄皆由
斯輩妙法蓮花經提婆達多品云女身垢穢非是法器猶有
五障不得作梵天王帝釋魔王轉輪聖王佛身謂尼有五障
者不得也大智度論迦葉謂阿難有罪佛意不欲聽女人出
家汝勤勸請佛聽爲道以是之故佛之正法五百歲而衰則
癸己存稿

卷十三

五

連筠篸叢書
靈石楊氏棗

佛于度尼之事有隱憾焉尼能自立不依僧爲佛思議所不
及亦所以報佛恩也

一日尼庵待弟子宜寬也善戒經云僧二百五十戒尼三百
四十八戒比耶尼戒本所出本末云舌彌持五百戒唐元疑
甄正論云僧二百五十戒尼五百戒而晉道安比耶尼大戒
序云尸叉屬賴尼有百七事曇摩侍本有百一十事與龜茲
國舌彌大戒本應謂比耶戒不止二百五十阿姨戒不得止
五百法汰序云女人之心弱而多放佛達其微防之宜密故
倍男也實則尼戒以淫恣爲重然非違人情苦禁錮之楞嚴
經云阿難言寶蓮香比耶尼私行淫欲乃言行淫非殺非偷

無有業報發是語已先于女根生大猛火節節燒然此業火
自燒也若佛立大法則歸和平比邶尼僧祇律波羅提木叉
戒經云沙彌尼說如來說淫欲是障道法我知習淫欲不能
障道比邶尼應諫之邪見不舍者驅出無他罪也又云受使
和合男女私通有罪蓋以寄夫托妻導淫爲罪戒經立意甚
深也謂之尼者佛國女曰夷信佛女曰優婆夷出家女曰苾
芻夷苾芻者苦行乞食僧譯之曰除饑明度無極經音義引
分別功德論云世人飢饉于色欲除此愛又引康會注法鏡
云凡夫貪六塵猶餓夫夢飯故號出家爲除饑釋迦氏譜引
康會注法鏡云聖斷六情饑饉故得號焉今法鏡經無此注
癸己存稿

卷十三

七

連筠籟叢書
靈石楊氏棊

梁僧佑出三藏記集云舊經除饑男除饑女新經比邶比邶
尼實則苦行乞食僧忘其訓乃夸言之尼則苦行女也昔人
立意苦行今多買充責以苦行則非本願故不宜求之過急
尼依男僧則爲垢穢今自有業可得從容妙法蓮花經五百
弟子受記品云法明如來時無有女人藥王菩薩本事品云
日月淨明德如來時彼國無有女人佛說如幻三摩帝無量
印法門經云勝華藏菩薩白佛言彼佛刹中有女人否佛言
不也彼佛刹中尙無女人名字可聞況女人耶其中生者皆
是化生清潔淨白咸修梵行一切衆生皆以法喜爲妻禪悅
爲食此自與男僧言之曇摩讖譯大方等大積經陀羅尼品

云菩提自在梵王正語梵天皆現女身說咒授記品云莊教
華魔王誓以女身廣度衆生說咒護法則尼亦能自立妙法
蓮花經提婆達多品薩曇分陀利品俱言龍女變爲男身佛
說義足經劫比陀國蓮花色比耶尼分云化作金輪王法華
三昧經云羅閱王女利行見佛出家作沙門化爲男子一時
佛剎中無有女人晉法顯傳云優鉢羅比耶尼化身禮佛又
有曇摩密多譯佛說轉女身菩薩經云五百比耶尼七十五
居士婦遂成男子則尼可爲男秦譯龍施女經云龍施女變
成男子佛說長者法志妻經云妻及下使皆轉男唐義淨譯
金光明最勝玉經云佛爲寶光曜女說法領解轉成梵身佛
癸己存稿

卷十三

七

連筠蓀叢書
靈石楊氏棊

爲授記隋闍那崛多譯月上女經云以華供佛發十願卽得
記轉男身爲月上如來賢愚因緣經貧女難陀緣品云波塞
奇王女名曰牟尼卽今釋迦文佛梁僧伽波羅譯菩薩藏經
云佛在大光明聚如來時爲竭伽佗天女受持此經卽轉男
身若有女人聞此如來名卽不更受女身又檢開元釋教錄
有彌勒爲女身經後漢失譯者梁僧唱經律異相卷十引有
之尤爲近古可信女身可受記爲如來可化爲金輪王可轉
身爲釋迦文佛爲彌勒佛是當優游以求之者也嘉慶十有
五年十月十六日

佛教斷肉乃梁武帝法其先亦有漸義禪秘要法經云若食肉時洗令無味佛飭修禪得食三種清淨之肉唐西域記云摩揭陀國雁塔言小乘漸教開三淨之食三淨食三種清淨肉雁也犢也鹿也其說非是諸經要集云疑見疑聞不爲己殺鳥殘自死得聽食之毗尼律云離見聞疑不爲己殺鳥殘自死者開聽食之楞嚴經云不見爲我殺不聞爲我殺不疑爲我殺也及自死也鳥殘舍也三是也求不殺之義非始于佛洛陽伽藍記云魏神龜二年七月二十九日僧惠生與宋雲至朱駒波國人民山居不立屠殺食肉者以自死肉是人間本有此俗佛用之爲漸教廣宏明集梁武帝斷酒肉文云諸癸己存稿

卷十三

文

連筠蓊叢書
靈石楊氏菜

僧尼言律中無斷肉事及懺悔食肉法制言律先明斷十種不淨肉次言食三種淨肉如此漸制便是意欲永斷唱斷肉經竟制云僧道小輩看經未徧互云無斷肉法故涅槃經云若乞食得肉以水洗之味與肉別然後得食根本說一切有部目得迦部云夜分有電傷禽獸苾芻夜出堪食者咸持歸卽三淨之義賢愚因緣經摩訶斯那優婆夷緣品云摩訶斯那割股裹肉食病比耶其夫謗佛佛戒比耶何乃受不淨食比耶之法淨肉應食若聞見疑者三淨亦不應食優婆夷言佛以我故制諸比耶不得食肉則三淨佛亦不定根本說一切有部目得迦部云苾芻食狗肉爲狗所嗅吠佛言不應食

狗誠以事難驟斷故隨事立制尼陀那云鵝婆離言苾芻爲病得食肉者何處取之佛言子殺羊鷄豬捕鳥獵獸者蓋鳥獸自死藏毒傷人有病苾芻不拘三淨佛立法亦不得不恕也楞伽經言不應食肉有十因緣二者屠者雜賣三不淨氣分所生長佛法五戒魏書釋老志止言戒飲酒其斷肉當在戒殺中笑道論引老子序云佛不飲酒以女人飲酒犯七出實則以酒亂性故戒之其素食惟持齋日後漢書楚王英傳云學爲浮屠齋戒祭祀詔還贖緜以助伊蒲塞

卽優婆塞時漢人聽法者

桑門

西域人卽沙彌

之盛饌言王尙浮屠仁祠潔齋三月與神爲誓

三月乃佛家結夏佛家齊日止此高僧傳云宋時杯渡不甚

癸己存稿

卷十三

九

連筠蓀叢書靈石楊氏粟

持齊飲酒噉肉至於辛鱸與俗不殊則結夏亦不斷肉又云梁時寶誌于臺城對武帝食鱸武帝曰朕不知味二十餘年矣又其時僧飲酒食豬肚梁武亦不能驟斷梁武所謂斷肉經者時制唱涅槃經云受肉之時作子肉想又云食肉者斷大慈悲我從今日制諸弟子不得食肉一切悉斷及自死者制謂涅槃爲此說者立言將謝則大明惻隱貽厥將來其後唐譯楞嚴經云佛告阿難我令比耶食三淨肉此肉是我神力化生本無命根我滅度後食衆生肉縱得心開報終必沈生死苦海乃本梁武制義推衍得此說又按鶡掘摩羅經云自死牛革作屣施文殊師利問受不受佛言若不受者是比

耶尼法若受者以其展轉離殺因緣唱斷肉經竟制則云法
寵言自死肉不得食則不得著革屣制言革屣經久食噉便
害無量身命是梁武帝用鴛掘摩羅經文又進言之又唐道
宣感應記天人言佛說著蠶衣者是魔法我成道至涅槃惟
服麤布白氎三衣未著繪帛則後人託佛說愈求其深梁武
帝斷肉敕云不曾見禽獸有一自死者若非殺生豈有死肉
買肉自殺其罪一等衆僧食肉罪劇白衣其託義大乘歷難
三淨能使佛徒斷肉亦其沈毅也唐武氏自戊戌歲五月禁
天下屠殺至庚子歲十二月始開禁又非梁氏所能及矣其
在梁武前者牟融理惑論云道家避穀而飲酒啖肉佛以酒
癸已存稿

卷十三

三

連筠篔叢書
靈石楊氏茱

肉爲上戒而食穀高僧傳云晉支遁幼時與師論鷄卵未足
爲殺師亡後見形投卵于地殼破雛行頃之俱滅遁乃感悟
蔬食終身魏書釋老志云沙門智嵩往胡地絕糧弟子求得
禽獸肉嵩以戒自誓餓死酒泉西山南齊則武帝喪用素食
周彥倫長於佛理終日長蔬食而何允亦精信佛法斷食生
猶欲食肉白魚鮓

卽鱸
字

脯糖蟹紀聞

太平
廣記

云北齊稠禪師與

人鬥不勝夢金剛與以筋不能食曰斷肉故耳異苑云永初
二年竺惠熾卒後見形言生不斷肉今落餓狗地獄令知有
報則古亦或有之而西土反無此說西域記云拘尼那揭羅
國言羅怛羅爲護正法未入寂滅言數百年未嘗乳味則斷

肉者佛子一人又云阿耆尼屈支等食三淨尙滯漸教法
高僧傳云有一人與北道使至縛渴羅國出家師使食三淨
言如來大師親開五正我依三藏律有成科若引大乘非吾
所聞明史眞臘傳云俗尙釋教僧皆食魚肉或以供佛今則
西僧味取濃厚更無取三淨又劫殺生人取皮骨作器不戒
殺也梁武帝所以決棄三淨者以何承天顏延之周彥倫之
論宏明集何承天荅顏光祿書云將使自己不殺抑亦受教
咸同若取足市塵恐雅論之不可立矣顏延之釋何衡陽書
云好生惡死每下愈篤故宥其死者順其情奪其生者逆其
性至人尙矣何爲犯順而居逆哉不能頓奪所滯故因爲之
癸巳存稿 卷十三 三 連筠移叢書
靈石楊氏棊
制耳南齊書周彥倫與何允書云鼎俎網罟難敢干議甘心
北褻忍恣吞嚼量肉揣毛以俟支剝僉謂常理可爲太息丈
人雖無身踐不能不取備屠門財帛之經盜手猶爲廉士所
棄何至引此滋味以汗腸胃乎是皆深疑三淨者又何承天
荅顏書云彼聖人者肇結網罟興累億之罪仍制牲牢開長
夜之罰此定不然宜簡淵慮雖高情愛竒想亦未至于侮聖
也梁高僧傳云求那跋摩謂宋文帝曰帝王出嘉言布善政
刑清役簡如此則持齋亦已大矣不殺亦已衆矣安在缺一
時之膳全一禽之命然後乃爲宏濟也是二說者誠辨矣梁
武斷內其後北齊高元海棄官處山林修行釋典二年而歸

仕縱酒廣納姬侍許不飲酒食肉勸文宣及後主奉佛天保七年五月亦以肉爲斷慈不食後主亦斷屠宰惜二國政非宏濟若聖人能安百姓又全一禽之命卽不云仁亦非有惡各行其志何至侮聖如承天所難也惟梁以麩爲犧牲使鬼神觀屠磔之形而無血氣之享北齊天保八年八月詔郊社祫時祭皆仰市取牲牢是皆作僞生詐孔子云始作俑者梁以之作屠磔之形也大智度論云王舍城先有王名婆藪言殺羊無罪生陷地中自是以來當殺羊下刀時言婆藪殺汝也齊以之以其言非已殺也斷酒肉文云苾芻噉魚食肉避弟子同學白衣寺官懷挾邪志崎嶇覆藏方得一過或言癸巳存稿

卷十三

三

連筠篔叢書
靈石楊氏棗

肉非已殺亦復非嫌東坡志林云僧謂酒爲般若湯魚爲水梭花鷄爲鑽籬菜竟無所益爲欺而已日本不染居士護法資治論引羅山神社考云獻山僧爲鮒魚說法汝放不可生亦不可久汝身入我腹我心入汝身遂殺食之卽梁法亦無如之何大莊嚴經論云寡婦聽法心生染著比邨還俗殺羊生活言乎人貴立志否則敗也

度牒寺廟

度牒自唐天寶六載五月納銀祠部給之食貨志云天寶十四載祿山反乃遣使太原納錢度僧尼道士旬日得百萬緡明年又度僧道收貲東坡全集雜記人物云秦太虛有意爲

率交游間三十人每人十千爲祠部牒令鍾守素出家是宋元祐間度牒有定價三百千也章俊卿羣書考索後集元豐七年引著令度牒每道爲錢百三十千夔路至三百千以次減爲百九十千其後金皇統五年慶壽寺天長觀度牒每道折錢二十萬大定時許僧道進納賜宮觀名額合著錢一百貫一百五十貫三百貫陝西高陵莊嚴寺有石刻禮部牒戶部發賣所高陵慶安鄉幡竿村院僧狀告院無名額已納訖合著錢三百貫乞立莊嚴禪寺名額勘會是實大定四年五月牒河南修武眞清觀有石刻禮部牒據邛處機劉志敏狀告修武七賢鄉馬坊邨道庵無名額于東平府納米請買到癸巳存稿

卷十三

三

連筠蓂叢書
靈石楊氏棊

日字號空名觀額一道乞書眞眞清觀大安元年五月牒南宋紹熙三年閏二月甲寅則定僧道度牒價至八百千蓋免地稅免役文憑也其用之以募兵以修河隄以賑饑以給俸餉以充使臣路費以賞賜近戚幸臣如金幣順治八年

諭以僧道納銀給牒瑣屑非體以後永免納銀有請給度牒者州縣確查報司申部給發至乾隆初年度牒亦廢蓋以丁歸地則不須報牒免役也康熙五十年十二月丁卯

諭以除原有寺廟外其創建增修永行禁止今僧道造廟則題以重修字以避創建增修也其事古亦有之焦竑筆乘云瓦官寺依景定建康志應在秦淮南岸今寺乃因近詔毀私

創庵院黠僧假援舊名以自蓋者今僧又或藏古度牒以欺
愚民自詡是官人又見一少年僧自言有度牒甚誦之索觀
乃法源寺戒單是不知度牒爲何物也吾嘗其書卷亦非
本日回回教

天方輿地經云地圓體如球東至西作一直綫南北極作一
橫綫距東西海岸等兩綫十字交者天方也如磨盤之磨當
昆侖之陽阿丹聖人者盤古氏也生於天方至努海聖人洪
水汎濫使其徒分治四方四方始有人民天方典禮云阿丹
傳施師施師傳努海努海傳依卜拉欣依卜拉欣傳依師瑪
依依師瑪依傳母撒母撒母傳達烏德達烏德傳爾薩爾薩死
癸巳存稿

卷十三

十四

連筠蓂叢書
靈石楊氏萊

封印無教者六百年謨罕默特聖人出總前經卷百一十四
種自作經六千六百六十六章則今回回教也其地王尙緣
言天授山原草木正色禮官白刑官黑士民黃吏役青龍天
方名都九十四無他教寺宇先是佛教及回疆謨罕默特禁
絕之而母撒之後自爲挑筋教爾撒之後自爲天主教謨罕
默特經曰甫爾嘉尼寺曰清真母撒經曰討拉忒院曰祝虎
亦曰祝乎德寺爾撒經曰引支勒堂曰歐若亦曰天主教寺
問之天主教則又曰不然天主回回佛各有其書務在相非
其書先出而可采證者其唐已前佛國傳記乎

莊子達生篇竈有髻釋文云音結司馬彪云竈神著赤衣狀如美女史記索隱引司馬彪則云浩竈神也如美女衣赤李宏範音浩則莊子字不作髻然爲吉忌音者多荆楚歲時記云竈神名蘇吉利魏志管輅傳云王基家賤婦人生一兒墮地卽走入竈中輅曰直宋无忌之妖將其入竈也史記封禪書索隱引白澤圖云火之精曰宋无忌吉忌俱近髻又後漢書陰識傳注引雜五行書云竈神名禪字子郭衣黃衣酉陽雜俎則云名隗狀如美女又云姓張名單字子郭一云名壤子道藏太清部感應篇注引傳云竈神貌如美人有六女卽六癸玉女一云竈有三十六神又蘇吉利婦姓王名博頰張癸已存稿

卷十三

三

連筠篔叢書
靈石楊氏菜

單妻字卿吉六女皆名祭治按禮器云燔柴於奧夫奧者老婦之祭也盛于盆尊於瓶注云奧當爲爨字之譌也或作竈此祭竈爲祭先炊老婦之義也許慎異義云竈神古周禮說顓頊氏有子曰犁爲祀融祀以爲竈神駁云五祀在四郊而祀火神于竈陞於禮乖也太平御覽引異義云竈五祀王者所祭非老婦駁云七祀竈神祝融然則盛盆尊瓶之祭是老婦矣諸書言竈神如美女者是先炊應經典也其竈神爲祝融又淮南子汜應訓云炎帝作火官死爲竈則自七祀竈神御覽又引淮南萬畢術云竈神晦日歸天白人罪說文走部趨云止行也一曰竈上祭名亦送竈之祭抱朴子亦云竈神

上天非是美女

祖神

檀弓云祖者且也方言云祖搖也祖轉也風俗通云祖者祖也初學記晉稽含祖道賦云或曰百葉遠祖風俗通云謹核禮傳共工氏之子曰脩好遠遊舟車所至足跡所達靡不窮覽故祀以爲祖神通典禮十一引白虎通云共工之子曰脩好遠遊舟車所至足跡所達靡不窮覽故祀以爲祖神今白虎通無之疑卽風俗通所案禮傳也曾子問正義云行神曰纍宋書禮志文選詩祖餞注并引崔實四民月令云祖道神也黃帝之子曰累祖好遠遊死道路故祀以爲道神以求道

癸巳存稿

卷十三

三

連筠蓀叢書
靈石楊氏棗

路之福選注無曰累祖蓋刪之漢書景十三王傳注白帖祖較黃帝子注并云舊說黃帝子纍祖好遠遊死道路故後祭爲道神其說蓋出崔實與崔浩浩說見史記索隱索隱已非之謂嫫祖黃帝妃無緣子又名纍祖是唐本均作黃帝子而雲笈七籤宋真宗御製軒轅本紀云黃帝妃嫫祖道死帝祭之以爲祖神以嫫母爲方相氏則王欽若等飾非之言祖義爲且爲徂爲搖爲轉則祖不爲人名義取導行亦取迺歸稽合述百葉遠祖案昭七年左傳云公將往楚夢襄公祖子服惠伯云襄公夢周公祖舊說謂周公襄公遠祖也鄭禮注言行者之先其古人之名未聞見聘禮注則鄭不以爲遠祖亦

不以共工氏爲然其黃帝子之說尤不知也

祖祭

聘禮釋幣于行記曰出祖釋載祭酒脯乃飲酒于其側注云祖始也行出國門止陳車騎釋酒脯之奠於載周官大馭掌馭玉輅及犯載犯載遂驅之注云以菩芻棘柏爲神主祭之以車轆之而去說文云立壇四通樹茅依神爲載大馭注云載者封土爲山象詩烝民箋云祖者將行犯載之祭說文云既祭載轆於牲而行所謂犯也秋官犬人共犬牲伏瘞幾珥沈辜載蓋伏也大雅生民取羝以載正義云天子用犬諸侯用羊禮相變大馭注引杜子春云祖道轆載磔犬史記五宗癸已存稿

卷十三

宅

連筠蓀叢書
靈石楊氏栞

世家索隱言唐用黃羝或用狗以其血疊左輪用犬用羊皆有所沿也祭法七祀五祀有國行三祀有行月令冬祀行呂氏春秋孟冬紀注云行門內祭也蔡邕獨斷云行者在廟門外之西載壤厚二尺廣五尺輪四尺北面設主于載上喪祝之祖則在于庭曾子問正義引崔靈恩云宮內之載以祭古之行神城外之載以祭山川與道路之神是也

張天帝

酉陽雜俎諾臬云天翁姓張名堅竊騎劉天翁車乘白龍登天劉翁失治爲泰山守主生死之籍此當是張陵造作道書時議論檢道藏書未見也魯應龍閒窗括異志云晉周興死

而復生言見天帝面方一尺問左右曰此張天帝耶荅曰上古天帝久已聖矣此近曹明帝耳此當是晉中衰時議論陳耀文天中記引晉書云晉咸康中士人周謂云云今晉書不見王世貞宛委餘編云出殷芸小說亦未見其書其語雖荒誕然可徵人心向背邇言必察有明訓矣

陳武烈帝祠

江西陳武烈帝祠極顯靈嘗散步祠中若有所犯齋戒拈香

乃愈江西通志云武烈廟祀陳江西巡察大使陳果仁

或作果仁

或作果仁或作仁果或有賑荒之惠唐封忠烈公南唐時以作仁果皆依其文書之

神兵助戰冊加武烈帝南昌縣志同又沙河廟懸榜云神字

癸已存稿

卷十三

天

連筠篔叢書靈石楊氏栗

世威江南常州府晉陵縣人也仕陳江西觀察使主鎮江南

隋時爲司馬天下大亂集兵以保境大業五年授朝議大夫

十三年隋改號義寧拜大司徒唐武德二年薨封忠烈公進

福順武烈王後周加帝宋乾德二年神見于士步門以船粟

賑飢宣和四年封福順武烈顯靈昭德大帝其言不可信常

州祠有唐天寶時僧德宣作隋司徒陳公捨宅造寺碑云陳

公諱果仁字世威其先潁川人六世祖陳武帝家于長城故

爲晉陵人祖暉陳羽林郎將父季明陳江州司馬兼嶺南道

採訪使終給事中公十八歲舉秀才對策陳文帝曰朕與兒

俱太邛後授監察御史尋遷江南道巡察大使大業五年奉

詔平長山寇授秉義尉尋授朝請大夫九年奉詔平江寧寇授銀青光祿大夫十三年奉詔平東陽寇召面見授大司徒沈法興自湖州起兵欲據常州與公結父子詐稱病公往問之中毒而薨時唐武德二年也享年七十有二文載全唐文中其言尤不可信碑榜所稱地道官階其時有無學者當能知之其大司徒又作左司徒江南通志辨譌云義寧中沈法興署爲司徒非因東陽功擢也余謂此譌不足辨卽言六世祖陳武帝亦是與武帝分派之脫畧碑言武德二年亦是三年之脫畧惟碑又言大唐詔詢晉陵耆老對以果仁梁大同中奉太守命斷晉陵義興太湖爭田據碑自言武德二年五

癸已存稿

卷十三

无

連筠篔叢書
靈石楊氏梨

月十八日卒年七十二則以梁太清二年三月五日生大同中尙未生何得太守命斷湖田是唐時僧徒文字全無足信常州府志唐齊光又宋夏之文皆有碑記丹徒縣志唐顧雲有廟記宋人夢梁錄外郡行祠引宋會要云神陳仁果常之晉陵人仕于隋歷司徒沈法興謀叛忌司徒以食毒之神以矢射殺法興武進劉宗浩作武烈帝實錄云杲仁在隋立功歷司徒沈法興其婦翁也大業末法興欲襲常州懼公不敢動乃詐以疾告公往問疾中毒卒後法興方剽掠公見形黑雲中發神矢斃之大明會典八十五各處祠廟云常州陳司徒廟注云祀隋臣陳杲仁其言亦不可信神時屬法興不屬

隋且老矣不應與法興結父子又爲法興子婿神夫人檢江南通志爲軫氏保大中爲武烈后非沈氏常州府志云西廟祀武烈后軫氏贊幽夫人張氏沈明后沈氏是杲仁有三妻以就爲法興子婿之說法興據常久矣非以欲襲常始行毒也舊唐書沈法興傳云法興爲吳郡守煬帝使與太僕丞元祐討會稽賊樓世幹會帝被殺乃與祐將孫士漢陳杲仁執祐起兵又令杲仁破賊樂伯通法興自署江南道總管聞越王侗卽位乃上表自稱大司馬錄尙書事承制置百官以杲仁爲司徒新唐書沈法興傳云自東陽趨江都與隋元祐將孫士漢陳杲仁至毗陵襲據其城法興假越王侗自稱大司

癸己存稿

卷十三

三

連筠篔叢書
靈石楊氏梨

馬錄尙書事以杲仁爲司徒士漢爲司空及侗廢法興于武德二年稱梁王改元延康是法興據常乃以神力神殺隋主將以從法興後人言法興欲叛隋據常故除神若以神爲隋之忠臣也者非神本意也後人作實錄作忠佑錄爲撰仕陳仕隋之事致薛應旂王錫爵諸公委曲其事陳而頌讚其仕隋者俱非神本意也妖亂志云高駢馬死圍人賂呂用之用之語駢曰適命隋將陳杲仁至淮東杲仁訴無馬以公大烏借之頃間廢白大烏死駢徐應之曰吾已借大司徒矣知唐末其祠甚顯武烈帝實錄云唐初詔爲立祠乾祐中以陰兵助裴瓌討王郢封忠烈公廣明之亂神力示顯賊不入浙西

加封感應梁開平中封福順王淮南楊氏封忠烈王南唐保
大時錢俶攻常州陰兵驅黑牛觸敵艦敵敗去乃冊爲武烈
帝宋又賜廟號曰忠佑徐鼎臣集有冊贈武烈帝碑文言神
高標明紀禮縉眞王則梁所封也言吳越圍武進神祇助順
冥助昭灼唐主冊贈武烈帝則丙辰歲當周顯德二年也宋
陳彭年江南別錄云元宗時周師逼壽州錢塘乘虛圍我常
州命將軍柴克宏往救常州有故將陳仁杲祠克宏將戰夜
夢仁杲曰吾遣陰兵助爾及戰有黑牛二頭衝錢塘陳我師
繼之乃大破之斬首萬餘遂解常州之圍以克宏爲江州節
度使冊仁杲帝號謚武烈馬令南唐書同然則江州有武烈
癸巳存稿 卷十三 三 連筠篔叢書 靈石楊氏棊

祠自柴克宏奉之遂及南昌也今常州西廟南唐柴克宏宋

劉晏周杞從祀溧陽東門外忠祐廟則柴克宏從祀夢梁錄

外郡行祠引會要云仁和顯佑佑祐亦隨各文書之廟唐武德時廟祀

封忠烈公梁加封福順忠烈王後周封帝號宋政和時賜廟

常州以帝號非禮易曰福順武烈顯應昭德王爲忠佑廟咸

淳二年臨安尹潛皋聖祈雪顯靈申朝賜爵遣吏緘詞送忠

祐廟又別告顯祐行祠咸淳臨安志云嘉定六年臨安以禱

雨靈應乞加封贈廟額曰顯佑咸淳二年京尹潛說友初郊

祈雨籤繇響荅其告謝祝文曰乃述顛末亟聞于上於是易

帝號以正季代之謬仍王爵以表大神之忠蓋梁時四字王

號南唐時二字帝號北宋之政和時以常州廟入祀典改入
字王號南宋咸淳時仁和行祠以雨雪徵應入祀典亦改王
王號他行祠在民間者官不問也故江西懸榜反謂宣和時
封八字大帝容齋隨筆有禮寺失職一條云子請封江神爲
帝禮寺不可今蔣廟陳果仁祠亦稱帝洪言蓋據江西行祠
其不檢政和時制卽詆禮寺爲失職甚非宜也洪所言請應
是紹興三十一年代葉義問請者太常寺言江神廣源王特
加六字作八字王其峻加帝號恢復中原日別議封冊其言
甚正也

亳州志木蘭事書後

癸巳存稿

卷十三

三

連筠篔叢書
靈石楊氏景

大清一統志

第二次
修本

江南通志潁州列女俱云隋木蘭魏氏

女譙郡城東魏邨人也隋恭帝時募兵戍北方木蘭父當往
而老羸弟妹稚乃請於父代行歷十二年樹殊勲人不知爲
女子後凱旋天子嘉其功除尙書不受懇省親及還釋戎服
衣舊裳同行者駭之事聞于朝帝召赴闕欲納之宮對曰臣
無媼君之禮遂以死拒帝驚憫贈將軍諡孝烈按隋恭帝不
得有十二年且其言臣無媼君之禮致以死拒大唐新語及
唐書王峻傳言元宗以宮人賜郭知運及峻獨不敢取曰
詎有嘗近闈掖而臣子敢當乎誓死以免守至于死其見蓋
與木蘭同然如木蘭之言則公羊穀梁譏娶國中之說是大

一統者必求淑女於荒外也江南通志又云接十八陣出奇謀又云鄉人歲以四月八日致祭蓋孝烈生辰河南商邱縣志列女文亦然然潁州志及亳州志言魏邨人商邱志言商邱營郭鎮人湖北通志祠廟云黃陂木蘭廟在木蘭山下事見陵墓並詳雜記而陵墓雜記不載黃陂縣志則言木蘭將軍冢在縣北七十里木蘭山木蘭降箕卜自言縣人名勝志云木蘭邨在黃陂縣治北六十里其上有木蘭將軍冢木蘭者朱氏女直隸完縣志則言木蘭墓在完縣城東有元太子贊善劉廷直所撰墓碑木蘭爲縣人世所傳木蘭詩征戍往返略具惜唐書不載而韋元甫得此詩于民間宋魏泰臨漢癸巳存稿

卷十三

三

連筠篔叢書
靈石楊氏棗

隱居詩話以爲曹子建詩者非也完縣木蘭廟唐有之杜牧木蘭廟詩云彎弓征戰作男兒夢裏曾經學畫眉幾度思歸曾把酒拂雲堆上祝明妃牧游河北時作或謂爲黃州刺史時作亦非也商邱營郭鎮有孝烈廟金時自有文字元元統二年邑人侯有造者作祠像辨正記言舊廟中鑪石刊金太和時營城鎮酒都監烏林荅文稱昭烈小娘子宰相木蘭公女也大殿塑像冠佩闈裝元統二年據完縣廟木像烏帽紅顏服紫腰金乃增塑烏帽像於享殿仍存闈裝像及女侍七像于後大殿易昭烈小娘子祠舊額爲孝烈將軍祠因言可汗蓋劉武周之定楊可汗梁師都之始畢可汗梁師都迎突

厥居甘涼及河南朔方上郡地故其詩言可汗點兵以證木蘭爲隋末唐初人且言孝烈乃唐諡其言如此或言可汗唐太宗也貞觀四年稱天可汗唐興適十二年則長安歸殯不當經完縣師都以唐貞觀二年平稱大度毘迦可汗者十二年木蘭不欲爲師都所污託言臣不媿君以死徇之其自潔其身以曲全其家族者用意至深其在河南朔方者蓋譙人父子流寓葬於完者喪自師都所據地返未得至故鄉木蘭詩不言死者初返役時鄉里矜奇之不及待後事而作也黃陂木蘭冢據隋開皇十八年黃陂縣地置木蘭縣又水經漢水云合句水東過木蘭南注云左岸壘石數十行重疊數十癸已存稿

卷十三

言

連筠移叢書
靈石楊氏果

里爲木蘭塞洵陽縣志云縣西五十里伎陵城卽木蘭寨蜀救孟達之所凡地名山名皆以樹不關人也商邱營郭鎮本金人祀木蘭宰相女昭烈小娘子者元時士民以地近亳而改爲孝烈廟寫完縣墓廟木像乃言木蘭卽其鎮人各志言除尙書則詩所言不願尙書郎鄉里夸飾詞耳元明人以其時制尙書冠服被之後人景仰古賢者大抵傳裨若此木蘭蓋亳人葬于完完志言完廟歲早潦失常有禱卽應邦人降神盤桓水面驅人風飛是誠有功德于民宜祀享其代父爲師都戍而不肯入師都宮則孟子言往役禮也往見非禮也眞所謂女士也因亳州志未能詳故論之

鄭樵集紹興十八年馮丞元肅重修木蘭陂記云集三百六十澗總而爲一斷大川之流析而爲二興木蘭之役者長樂錢氏女用十萬緡成之王圻續通攷云元仁宗時福州總管張仲儀建錢聖妃廟錢氏捐十萬緡創木蘭陂以護田救民陂垂成而敗錢氏投水死顧祖禹讀史方輿紀要云木蘭溪在府南七里木蘭山下錢氏媪築坡本名將軍山下將軍灘福建莆田縣志云木蘭陂宋治平元年長樂錢氏室女傾貲築坡士女立廟崇祀此木蘭以孝烈起名者或曰木蘭陂或曰將軍灘或曰木蘭山或曰將軍山知孝烈將軍之號古人徧用之矣附記之亳州志後嘉慶

癸巳存稿

卷十三

壹

連筠篔叢書
靈石楊氏琛

丙寅夏六月德州

唐通眞三太子神

黟記唐封中書舍人通眞三太子卽唐張巡也明咸寧縣志云通眞太子廟在安遠門東街祀唐忠臣張巡洪武十三年建有記嘉靖時咸寧胡傳眞珠船云陝西會城糖坊巷有太子廟所祀乃唐張巡廟碑云唐嘗贈巡爲通眞三太子山西通志云平陽府晉山書院卽三太子祠知其說始北方唐書張巡傳云開元末擢進士由太子通事舍人出爲清源令知其致誤之由矣或撰神聯指爲昭明太子宋趙彥博知池州作昭明太子事實二卷廟食于池元祐時賜額文孝黟自有

文孝廟由貴池秀山來墨莊漫錄所謂英濟王封于唐開成時者此自通眞三太子非昭明英濟王也池人亦兩太子各祀池州府志疑通眞三太子爲清源之子卻又非也又陸錫明新安氏族攷云唐新安郡王李徽武后時爲酷吏羅織死有二子曰通靈曰通眞亦與其難國人哀之爲立太子堂其事見唐書濮王泰傳而無通眞通靈之說說出胡氏譜新安有安定胡有李胡宋末婺源胡次焱者有文集十卷自言出唐宗室五代時育于胡因從其姓不言徽後黜祀三太子亦於徽無與也

張王神

癸巳存稿

卷十三

三

連筠篔叢書
靈石楊氏棊

趙吉士徽州府志云黟五侯閭在二郎橋上祀張許二侯及賈南雷三將軍尋志不載二郎橋卽今橫溝上張王閭也張公巡與許公遠唐卽合祀謂之雙廟宋史劉摯傳云應天府闕伯微子廟又有雙廟乃唐張巡許遠張舜民柳行錄云過宋州雙廟中祀張許及南霽雲姚閭雷萬春宋州人亦謂之五王廟撫青雜說云紹興辛巳冬劉琦小校何兼資至六合西見張巡許遠南霽雲雷萬春從天蓬神將兵左張巡鬚髯皆指天右爲許遠亦俊爽則張死如其志作厲鬼殺賊大明會典八十五各處祠廟云歸德協忠祠注云祀唐臣張巡許遠配以雷萬春南霽雲姚閭賈賁四人張公故又別有專祠

言宋封東平威烈昭濟顯慶靈祐王太湖縣志云宋宣和間
縣人石姓黃姓者客東平無罪陷獄禱于神既得脫乃匿像
以歸祠主追之敗篋乃變爲篋至太湖西十里棠梨樹下二
人假寐夢神言欲居其地乃爲立祠祠成神示斗有云我乃
張巡與許遠同時在東嶽爲押案爲陰司都統使黃岡縣志
云明正德時黃州守盧濬毀淫祠南門外安國寺右景祐眞
君廟亦在毀數忽降神門皂書言是張巡充東嶽押案鄴都
獄推其階爲忠烈大夫又直蓬萊殿在人間爲景祐眞君遂
得不毀黃陂縣志以爲縣東一里雙忠祠盧濬時神附擔水
婦人屬筆留詩蘄水縣志亦有此事云是巴河睢陽祠萬厯
癸巳存稿

卷十三

七

運筠縹叢書
靈石楊氏乘

十三年知縣閻士選刻之石建寧徐時作閒居偶錄云其邑
鳳山東嶽廟祀張睢陽建寧亦祀張睢陽者蓋以東嶽押案
之說又與登寶庵左祠皆有廖氏雙像又永安鎮張王廟有
五人阻祭賽費皆死時作非妄語者蓋神必有託以傳又張
自言願爲厲鬼殺賊厲卽瘟神都天今丹徒句容都天降福
元帥祠亦張公也元武進謝應芳厲鬼辨云無錫人出郭遇
神赤髮青面吻出四牙狀貌詭異曰此張巡也皇華紀聞云
宿松棠梨宮南昌吳城鎮今屬新建皆有張睢陽廟其像皆青面
赤髮狀極猙獰筠廊偶筆云常熟方塔寺青魘菩薩卽張睢
陽赤髮青面口銜青蛇如夜叉像蓋從神志也會典事例云

乾隆十二年封浮梁張巡神爲顯佑安瀾之神嘉慶八年封丹徒張巡神爲顯佑安瀾寧漕助順之神則張又兼司水矣司水曰張大明王俗稱牛肉菩薩以水德在亥祭不用亥禽猪也廣德州志言神事甚詳乾隆四十五年定名司水張公神許公子宋雍熙時專祠于海寧每歲十月十六忌日官祭雍正九年封威顯靈佑王祠於山陽之高堰從張許祠者南霽雲亦有專祠黔書云貴陽有黑神廟祀南霽雲居易錄引朱近修云雲同行王扞黔陽有祠號昭烈王

康王神

宋史四百四十六卷忠義一康保裔傳云洛陽人歷任登州

淄州定州代州深州高陽關并代戰澤州廣陽石嶺關後戰

癸巳存稿

卷十三

三

連筠移叢書
靈石楊氏梨

高陽河間沒焉真宗紀云咸平三年正月契丹犯河間高陽關都部署康保裔死之今按其傳云其子繼英等奉告命謝曰臣父不能決勝而死陛下不以罪其孥幸矣上惻然顧左右曰保裔父祖死疆場身復戰沒世有忠節深可嘉也蓋保裔戰沒後死于契丹非死于行間其爲死事則同也謝德權傳云咸平六年葺蒲陰城乘傳詣闕言前歲傳潛閉壘自固康保裔被擒傳潛傳云潛爲行營都部署使范廷召等逆擊契丹康保裔戰死皆實證也其前一年有康昭裔之事遼史聖宗紀云統和十七年十月次瀛州擒宋將康昭裔十九年六月乙巳以所俘宋將康昭裔爲昭義節度使則昭裔被擒

在咸平二年與保裔事別老學庵筆記則云康保裔死事在咸平二年十月混二事爲一致啟後人之疑案保裔祖志忠後唐時定州王都反戰歿父再遇又戰死于澤潞保裔又戰死于河間世以戰歿昭裔蓋亦志忠再遇子姓陷于遼實事不當諱老學庵筆記旣移咸平二年十月之被擒爲死事葉隆禮契丹國志止記三年正月保裔之死而不記二年昭裔之事宋史亦同該餘叢考云一康保裔也宋史作康保裔遼史則曰康昭裔亦以二人爲一是愈啟後人疑也江西泰和縣東門外有康王廟歐陽守道記云眞宗時郡縣請王封號者卽報可南渡以後尤著靈則宋時江西已爲保裔立廟泰癸已存稿

卷十三

堯

連筠移叢書
靈石楊氏采

和縣志又云康王廟或言唐時建疑之蓋唐時古廟基也建昌縣亦有康王廟志云保裔有德于建檢保裔三代未曾至淮南何由有德江西鄱陽縣亦有康王廟在城中福州福清縣連江縣俱有康王廟在東嶽廟左祀康保裔新建縣德勝門外一鋪有康保裔廟土人以木郎廟張巡併入祀之額曰康張福地上高縣有沖眞廟云廟自洪武時建中祀張巡許遠康保裔是張巡康保裔合賽之證黔書云麥新縣祀宋康保裔其神介冑赭面今黔城中賽張康神張爲厲狀康赭面謂之老菩薩亦曰張王康王又按劉宋元嘉時劉子卿事廬山已有康王廟進賢縣壇石山康王廟則志云或曰周康王

或曰楚康王或曰宋康王或曰康佑或曰康保喬山西介休縣康王廟則祀唐康太尉深又嶺南雜記高州建太平醮于門外壅土爲神設蔗酒祭之名曰康王不知何神矣

黃大王傳

黃大王名守才字英傑號對泉偃師南鄉夾河王家莊人明

萬曆三十一年癸卯歲十二月十四日辰時生

運河紀略謂生於戊戌年

生而神奇空中有若言河神者失父母育母舅劉氏家方歲餘表兄抱之出墜于井兄驚馳去呼救人至則兒坐嬉水面若有戴之者弱冠至濟源天壇山中十方院值歲旱不得水守才指地使鑿之得一泉引之遂不涸爲山田灌漑利今十癸巳存稿

卷十三

學

連筠蓀叢書靈石楊氏葉

方院不老泉是也時天啟五年守才年二十三人固已傳其生時神奇遠近異之矣嘗隨舅船至虞城張家樓有糧船二百滯河沙不得動初夜運官吳姓者夢人告之曰沙壅不開明日有劉船至中有黃姓者河神也彼言開卽開矣船至吳以誠投之守才勉至頭船助之執篙船俱開去守才每瞑坐久之自言如夢至某地誤踢壞幾船好事者以其言求之地與事皆驗其生爲神人皆知之崇禎十五年官軍決朱家寨賊決馬家口後工部侍郎周堪賡修決口不成至偃師請守才爲乘舟插楊枝于決口依築隄隄成初闖賊之欲灌開封也聞守才爲河神劫守決決馬家口馬家口決而水旁去賊

怒凶焰甚盛持守才他去不使在浹口河水遂自城北門入
東南門出

國朝順治元年守才年四十二矣順治三年考城流通口浹
四年河督楊方興聞守才神往請之守才至命於浹溜中下
埽埽不動塞決甚易七年沁溢隄將潰參政分守河北道佟
延年亟請守才守才書一紙使拈香焚于沁水上水卽平蓋
神生人間若判官若走無常其在人間或有無祿位職役自
古有之非奇怪也懷慶人爲立生神主于城北迴龍廟八年
祀縣旱請守才禱雨得大雨祀人亦爲之生立廟康熙二年
癸卯歲十二月十四日申時卒于家葬縣南萬安山下雍正
癸巳存稿

卷十三

望

連筠篔叢書
靈石楊氏棨

十二年陳留曲輿集建廟曰大王壇

賜名溥仁觀乾隆三年

敕封靈佑襄濟王歲祭以十二月十四日八年部頒祭文云
茲值誕辰之吉例展修祭之儀四十二年開封建黃大王廟
四十五年二月奉

旨爲修墳種樹於其子孫內擇一人爲奉祀生世傳勿替道
光八年四月以利漕奏請懸扁

加封顯惠十一年五月以利漕

加封昭應是爲靈佑襄濟顯惠昭應王十六年十月請

御書聯對河南河工皆有神應見章奏是祀典也今清江浦

南臨清堰東有黃大王廟曰靈佑觀神每見託形小蛇喜觀
優偏好河南羅羅腔每出見則人立竿於盤置盤案上蛇蟠
竿翹首聽戲凡神見皆然

論曰河南府志仙釋偃師縣志逸事王文簡池北偶談皆有
神事懷慶府志有河神黃大王傳皆不詳黃運兩河紀略中
有大王曾孫黃大成所作傳甚詳讀抱朴子言馮夷以八月
上庚日溺河文選思元賦注引清冷傳河伯華陰潼鄉人姓
馮名夷浴于河中而死是爲河伯又引高誘淮南注馮夷華
陰潼鄉隄首人喜古人有好事于神明址貫俱記之故采黃
大王事惟大成記以小孩黨住兒填入埽取義攬得住不可
癸巳存稿

卷十三

聖

連筠篔叢書
靈石楊氏榮

爲訓而廟中實有穩埽黨將軍配享所謂流言不實傳爲丹
青者讀

皇朝通考羣祀考

大清會典禮部祠祭司有神名貫爲夔輯傳信焉

丙申十月十日與新城陳淮生行臨清堰上謁神像像用

唐衣冠似宜改依禮制又謁天后祠有睡像以爲當用火
居道士住持道士婦承直則人神俱安過五壩三闌得兩
神佑余于辛卯冬作黃傳今六年始至其祠因記所見于
此儻有力者能遂神願也是夜記于彭家馬頭舟中

阿修羅一作阿須輪一作羅刹一作羅睺羅增一阿含經云劫末光陰諸天入水洗浴四大精氣入其身內體生觸樂精流水中自然成卵八千歲生一女人入海拍水自戲水精入體入千歲生男爲毘摩質多羅阿修羅王長阿含經云修羅生女端正生男多醜校修羅不信佛佛云醜者雄傑也多端正者羅刹女也今洋畫西洋美人是也後人以羅刹男概之亦謂女醜者爲羅刹女不知佛正以美女爲羅刹女佛本行集經五百比耶因緣品云羅刹女可喜過人才不及天或作童女或作不久嫁形不必真是羅刹女神鬼魔幻佛借羅刹名之如中土稱美人爲姬不必是姬姓女也妙法蓮花經陀

癸巳存稿

卷十三

聖

連筠移叢書
靈石楊氏采

羅尼品有羅刹女藍婆毘藍婆曲齒華齒黑齒多髮無厭足持纓絡臯帝奪一切衆生精氣十人詣佛說咒護持法華其取名奪一切衆生精氣尤見其妖冶羅刹女有取豔爲佛國所稱者毘摩質多羅阿修羅王孫女嫁爲天帝釋憍尸迦妻者也觀佛三昧經云毘摩質多羅阿修羅王有兒聘香山神乾闥婆女爲婦懷妊經八千歲乃生一女其女容顏端正挺特天上天下更無有比面上姿媚八萬四千左邊右邊各有姿媚八萬四千前後亦爾阿修羅兒以爲殊異如月處星甚爲奇特憍尸迦聞求以爲妻阿修羅喜以女妻之帝釋立字號曰悅意諸天見之歎未曾有視東忘西視南忘北乃至毛

髮皆生悅樂帝釋憍尸迦至歡喜園共諸采女入池游戲爾時夫人愾意卽生嫉怒遣五夜叉往白父王今此帝釋不復見寵與諸采女自共游戲此阿修羅王所由與諸天戰鬪又羅睺掩月妄談所自始也天者佛所謂富貴人悅意所遣五夜叉蓋所賸羅刹樓炭經叨利天品云帝釋舍采女獨將阿須大人游行則初寵悅意也立世阿毘曇論云天帝釋有四億九萬四千九百正妃三十四億六萬四千三百采女則歡喜園所將采女也天帝釋居須彌山起世經云須彌山東阿修羅王國土故連姻按阿修羅國土臨西海當今之俄羅斯西界地須彌居四洲中在此洲西當今之英吉利故羅刹言癸巳存稿

卷十三

釋

蓮筠篔叢書
靈石楊氏棗

山東憍尸迦一作憍尸陳一作瞿釋迦單字還音非佛也道古堂文引立世阿毘曇論疑于說佛儒生看佛書多不審恐爲有識僧徒所持故檢釋書正之佛經言須彌山日月出入繞之羅刹奄至其人高大山中人小爲所掩故言阿修羅捉月又月食光晦見魄佛疑別是一星借羅睺名之此捉月掩月佛國兩義分持皆起于天帝釋夫人之事

釋迦

魏書釋老志云所謂佛者本號釋迦文譯言能仁漢譯中本起經轉法輪品云惟昔先佛名曰定光拜吾佛名字釋迦文號如來晉譯等集衆德三昧經云錠光如來於往古授記于

佛來世當得作佛號曰能仁如來佛本行集經二商奉食品
云佛言往劫世尊曰然鐙如來多陀阿伽度阿羅訶三藐三
佛陀授記我名釋迦牟尼華嚴經如來名號品云或名一切
義成或名圓滿月或名獅子吼或名釋迦牟尼或名第七仙
或名毘羅遮那或名瞿曇氏或名大沙門或名取勝或名導
師所謂仙者漢時譯如此以其第七佛卽云第七仙耳釋迦
氏譜云釋迦能也文仁也華嚴音義世主莊嚴品釋迦能也
一言尸棄具云尸棄那此言有髻或曰頂髻翻譯名義集選
云亦名式棄大論翻爲火依依言依光火三昧而成道一切經
音義云牟尼或作文尼舊言仁應曰茂尼此言仙也則能仁
癸巳存稿

卷十三

望

連筠蓀叢書
靈石楊氏采

佛眷屬

七佛父母姓字經云第一維衛佛一作毘婆尸佛剎利種子
須越多犍陀第二式佛一作尸棄佛剎利種子阿兜羅第三
隨葉佛一作毘舍浮佛剎利種子須婆羅越此劫第一拘樓
秦佛樓秦亦作留孫婆羅門種子鬱多羅第二拘那鉢牟尼
佛拘一作迦鈴一作舍婆羅門種子隨夷陀先那第三迦葉
佛婆羅門種子沙多和第四釋迦文尼佛剎利種子羅雲七
佛惟文尼書多說又不同佛說淨飯王般涅槃經云淨飯王

子名悉達卽佛也次子難陀孫羅雲弟斛飯王子阿難是爲
二支釋迦氏譜云淨飯王弟白飯王子名調達次名阿難白
飯王弟斛飯王子名摩訶男斛飯王弟甘露王起世因本經
云師子頰王生四子一淨飯王二白飯王三解飯王四甘露
王淨飯王子佛及難陀白飯王子帝沙及難提迦斛飯王子
阿尼婁陀及拔提梨迦甘露王子阿難陀及提婆達多是爲
四支史記大宛傳正義引浮圖經佛文臨兒國王屠頭邪亦
作闕頭檀母莫耶賢愚因緣經摩訶薩埵緣品云爾時大王
摩訶羅檀那今我父闕頭檀是則淨飯王名也依唐時官譯
剌利應作乞利啞悉達應作悉曇而釋氏書多作剌利悉達
癸巳存稿

卷十三

吳

連筠蓀叢書
靈石楊氏聚

大薩遮尼乾子受記經云如來父名白淨王母名摩耶乳母
名摩訶波闍波提瞿曇彌其謂摩訶波闍波提爲乳母言其
曾撫養佛應曰姨母亦白淨王妻所謂國太夫人卽摩耶親
妹菩薩本行經曰天臂城釋長者善覺生八女一曰意卽摩
耶八曰摩訶波闍波提卽國太難陀母也則釋長者善覺爲
佛舅家而新羅沙門元曉阿彌經疏引聲王經說謂佛有母
是變化女非報身女爲無稽矣佛名悉達一曰悉達多羅云
一作羅雲亦曰羅睺羅佛本行集經尸棄佛本生地品云羅
睺羅生日是羅睺羅阿修羅王捉食其月於剌那頃暫捉還
放之時故立此名五夢經云太子三如第一瞿夷父舍夷長

者第二耶檀一名耶輸父施移長者第三鹿野父釋長者佛
本行集經常飾納妃品云第一宮耶輸陀羅第二宮摩奴陀
羅第三宮瞿多彌智度論云菩薩二夫人一名劬毘耶二名
耶輸陀羅其說各異佛本行集經剃髮染衣品云車匿言聖
子正妃耶輸陀羅貞潔之女因果經云大臣摩訶那摩女耶
輸陀羅爲太子妃釋迦譜云爾時釋種婆羅門摩訶那摩女
耶輸陀羅爲太子妃佛本行集經角術爭婚品亦同其瞿夷
一曰俱夷一曰裘夷亦曰瞿多彌普曜經云迦夷衛國釋種
女俱夷爲太子妃修行本起經云小國王須婆弗女裘夷爲
太子妃賢愚因緣經降六師緣品云摩訶賒仇利王子須陀
癸已存稿

卷十三

聖

連筠篔叢書
靈石楊氏采

羅扇先爲多羅睺杵者今我身是彼時婦者今瞿夷是彼婦
公者今摩訶迦葉是則摩訶迦葉爲佛婦翁佛本行集經常
飾納妃品云毘羅城釋種大臣檀茶波尼女瞿多彌爲太子
妃是三妃眷屬也佛書錯言二妃生羅雲者互出五夢經云
瞿夷是第一夫人其第二夫人人生羅雲者名耶維檀亦名耶
輸聖莊嚴陀羅尼經云淨飯王宮中羅睺羅童子母耶輸陀
羅普曜經云太子聞父王言卽以左手指其妃腹時耶輸陀
羅便覺體異自知有娠佛本行集經昔與魔競品云羅睺羅
母耶輸陀羅耶輸陀羅夢品云太子見日光沒已便其采女
行於五欲使樂歡喜相共聚集圍繞而住其太子妃耶輸陀

羅卽於是夜便覺有娠又云耶輸陀羅夢二十怪異太子爲欲安恤慰喻故以五欲共相娛樂更同睡眠尸棄佛本生地品云耶輸陀羅念佛苦行脫種種寶香末花鬘皆棄舍之著純白衣惟留一髻卧凡惡鋪所食粗澀才可活命六年計菩薩證道還乃始莊飾羅睺羅生王欲殺其母子世尊手自作書而白王言其所生兒是我之息願莫有疑王生歡喜心稍分供給耶輸陀羅遊於園內立誓捉石擲於水中大石上浮王生希有心加其莊嚴瑞應本起經云耶輸生羅睺羅又云婦人情欲有附近心太子以好花及氈置中間婦不敢近侍女疑太子不能男太子以手指妃腹曰却後六年爾當生男癸巳存稿

卷十三

嬰

連筠篔叢書
靈石楊氏采

佛本行經云耶輸陀羅往昔世遺母負重行六拘盧舍今於此生懷胎六歲是耶輸胎藏之報智度論云劬毘耶玉女不孕耶輸陀羅生羅睺羅牟融理惑論云佛年十七納妃坐則遷坐寢則異牀天道孔明陰陽而通遂懷一男六年乃生大唐西域記云太子寢宮有耶輸陀羅及羅睺羅像是耶輸生羅雲也漢譯未曾有經云瞿夷攜羅云晉譯生經佛說甥舅經云婦拘夷是子羅云是大薩遮尼乾子受記經云如來見世妻名釋種種瞿夷子名羅睺羅普曜經云裘夷生羅睺羅大善權經云瞿夷生羅雲又云防人疑懷菩薩非男故納瞿夷慧止菩薩經云佛言過去燄光入沙竭國有陶家女投燄光

言不從欲吾當自殘燄光卽從女所欲燄光則吾身陶家女則瞿夷也是瞿夷生羅雲也且普曜經兩言耶輸裘夷生子按佛說太子須大拏經云彼太子一男一女男耶利者今羅雲是女罽拏延者今羅漢末利母是則佛有女有外孫二妃一生子一生女耳方等般泥洹經云佛便持羅雲手阿難手著諸佛手掌中偈云面以此屬累天性不言空此其所以神也

紫姑神

歲華紀麗上元注云異苑紫姑本人家妾爲大婦所妒正月十五感激而死世人於是日作其形於廁迎之曰子胥不在癸巳存稿

卷十三

異

連筠蓀叢書
靈石楊氏菴

曹姑已行小姑可出子胥壻也曹姑姑也荆楚歲時記十五日其夕迎紫姑以卜將來蠶桑并占衆事亦引異苑白帖卷四引同今本異苑及太平廣記所載者則曰曹姑其大婦也顯異錄云紫姑萊陽人姓名媚字麗卿壽陽李景妾也大婦曹氏於正月十五夜陰殺之廁間上帝憫之命爲廁神事物紀原謂時鏡新書引洞覽記云帝侂之女壻死生好音樂正月十五日可以衣見迎引爲紫姑事其法則稽神錄云正月望夜江左風俗取飯箕衣之衣服插箸爲嘴使畫粉盤以卜遊宦紀聞云請紫姑以箸插箕箕布灰棹上畫之皆男兒名字或系僧徒睽車志云臨安雨溪寨將請紫姑岳侯降之

夷堅志有台州祝氏子請紫姑溫州樂清縣弓兵請紫姑新建粟七官人請紫姑皆男子所爲唐李商隱正月十五日聞京有燈恨不得觀詩云身閑不覩中興盛羞逐鄉人賽紫姑蓋男子賽卜之風久矣文昌雜錄有禮部謝侍郎及唐義問家二事夢溪筆談言博士王綸家有紫姑神集則女神也今蘇州有田三姑娘嘉興有灰七姑娘皆紫姑類

太一神婚嫁

博物志云太公爲灌壇令東海泰山神女嫁爲西海婦畏太公不敢以暴風疾雨過廣異記云唐崔敏慤入陰檢身得十政刺史遂輕侮神鬼爲華州刺史時人聞岳祠救爲三郎迎癸巳存稿

卷十三

辛

連筠蓂叢書
靈石楊氏棗

婦崔使君在州勿妄飄風暴雨不知神人嫁娶出入風雨而必暴疾者何也今農家及舟子占風暴多以神配之其神有極鄙誕者而其期多應非可以常理論矣靈樞九宮八風云太一移日天爲應之以風雨

癸巳存稿卷十三

靈樞九宮八風云

太一移日天爲應之以風雨

癸巳存稿卷十四

宗憲問學本不審費五書及釋誠信 黻俞正燮理初

古本大學石刻記

某公循吏達官好刊古本大學自述曰乾隆丙申補五臺令讀陽明全集乃取古本大學朝夕尋繹身體力行遂於歷任所至刊龕門壁不忍聖賢真種子遂亾又曰司馬溫公全集世不多見官滇南時讀之會因大學發揮數百言於其上方滇南諸生藏焉其自言得力者如此乃所刊於五臺保德穎州開封濟寧者皆明萬厯十二年南京戶部員外郎唐伯元所上之豐道生書當時號爲魏政和石經此又署王羲之書癸巳存稿

卷十四

一

連筠蓀叢書
靈石楊氏聚

按宋司馬光注大學當仁宗時時御書大學賜進士卽禮記本宋始有別注大學不比中庸漢隋志均有單行本可言有古別也程朱改大學後有志道學者多效之明正德十三年七月王守仁從禮記寫出大學本文其識甚高時有張夏者輯閩洛淵源錄反極詆守仁倒置經文蓋張夏言道學不暇料檢五經又所傳陳澹禮記中無大學疑是守仁僞造然朱子章句見在爲朱學者多以朱墨塗抹其章句之語夏欲自附朱子亦不全覽朱子章句致不知有舊本可云奇怪今欲宗陽明學亦不審覽王書窺尋禮記直以豐道生書誣之豐道生者有心疾者也見世人多以改經名而守仁古本名較

美則亦自言有子貢詩傳及古本大學中庸出魏政和石經
中庸改竄兩節大學以瞻彼淇澳至此以沒世不忘也爲末
段中增顏淵問仁子曰非禮勿視非禮勿聽非禮勿言非禮
勿動二十二字而刪此謂知本此謂知之至也此謂修身在
正其心十八字唐伯元表上其書引賈逵言大學經之中庸
緯之又有鄭曉也者其古言曰正始中虞松等考正五經刻
之於石而大學中庸傳焉又謂松表引賈逵言孔伋窮居於
宋作大學中庸有沈曦者好此文言不讀古本如矮人觀場
而周從龍也者作遵古編以瞻彼淇澳在末段謂文武心法
在衛武公定爲子思居衛作又謂顏淵問仁二十二字乃唐
癸巳存稿

卷十四

二

連筠蓀叢書
靈石楊氏棊

明皇削去此數人者慷慨下筆殆有異人之稟其書初行毛
奇齡云止有宋體楷字書五葉道生死忽有篆及分書本時
已誤正始爲政和蓋不檢魏時年號以古刻石者皆當號政
和此本則以政和刻石當是羲之妙墨不謂爲陽明學者上
下四方往來古今亦信之而不疑也嘉慶七年五月見打本
於滋陽記其與司馬文正文成之所以異者冀有賢者辟
其石以無成循吏之過亦冀爲朱王之學者倘冒畧覽朱王
之書也

中書春秋胡傳後

胡安國夏時冠周月之說書伊訓蔡傳亦勦其說或引日南

至在正月又言公卽位當周正朱子謂用夏正則月與事差至兩月不應如是雜亂無章張春有春王正月考朱氏彝尊謂左傳王周正月周字千金然辨之者皆一篇之文不待讀畢但執一二語辨之無當也胡氏之言曰建子非春亦明矣乃以夏時冠周月何哉以夏時冠月垂法後世以周正紀事示不敢專是胡氏明言王周正月正當公卽位日南至於事不得差也然使胡氏之論止此而已將終古無能明其謬者而胡氏又自言曰前乎周者商用丑書云元祀十有二月則不改月後乎周者秦用亥史記云元年冬十月則不改時也夫十有二月殷冬至大祀非殷正月三統所引甚明冬十月癸巳存稿

卷十四

三

連筠蓀叢書
靈石楊氏萊

漢武改憲後追書史注亦備胡氏之證已弱又適自害夏時周月之說宋俞文豹吹劍錄云安國春秋傳自草創至成書初稿不留一字是其展轉輻輳自忘其初不足名學也求胡氏所以致謬者爲穀梁傳所誤春秋春王正月者杜預云書王不書王視頒朔與否蓋國史舊文桓三年春正月有事而王未頒朔也十二年春正月不頒朔又無事但舉時成年也莊五年春王正月頒朔無事舉時成年也其但書元年春王正月見不行卽位禮也昭二十三二十四年有王日官從東王猶頒朔也定公以六月卽位故元年不書正月其書元年春王三月晉人執宋仲幾于京師猶隱三年七年昭十八年

二十一年二十八人之春王三月也公羊穀梁二傳讀元年春王爲一句三月以下別爲一句杜讀左氏經亦同而穀梁且以桓元年春王爲一條王者所以正桓因與定元年春王爲類謂定始非正始故無正始二傳又謂隱二年至十一年無正月隱不自正也公羊定元年傳云卽位後也注云昭出奔當絕定不得繼體奉正春秋微時諱託之卽位後故無正月於是正字爲孔子所造劉知幾謂魏晉陽秋於帝紀書帝正月今所傳元經亦書帝正月傳云文中子曰帝之不帝久矣挈名索實此不可去呂祖謙遂謂虞正月不稱帝夏正月不稱王時天下皆知有帝王春秋時人欲肆天理滅夫子不癸巳存稿

卷十四

四

連筠蓀叢書
靈石楊氏采

得已標一王字於正月之上不知虞夏書本記帝王事不得又使奉帝王正朔春秋乃魯侯奉周王朔事不相通魏晉春秋及元經所謂妄作尋穀梁傳云桓無王者無王之道蓋以王字乃孔子所造古人旣言王正爲孔子所造胡氏慕其義而思出奇以蓋之則以爲春字亦孔子所造而義託之行夏時此所謂悠謬之言心不欲以爲是口不能證其非雖與穀梁並立可也而自言云古不改月如其說則是周本稱十一月孔子改爲正月胡氏謂春秋非周月也又云古不改時如其說則是周從夏稱冬十一月孔子改爲春正月胡氏謂春秋變夏時也又云夏時冠周月如其說則必古改月而復可

別之爲周月必改時而後可別之爲夏時也自古兩說相背必兩人持之從未有兩說相謬綴爲一篇如胡氏說者則甚矣胡傳之不足爲書與辨之者之疏於披覽也

書古文尙書冤詞後

吾聞之鄒平成君瓘謂今枚文爲魏晉人書者非冤也古文非伏生所有二十五篇又分出伏書五篇者奏上於晉大行於唐疑於宋至元明人則憑虛詬訾之漢以伏生二十八篇蓋以泰誓置博士藝文志所謂經二十九卷者是也志又云尙書古文經四十六卷則漢書後漢書並云魯共王得壁中書還之孔氏孔安國上之未得施行然藏爲中經故志得錄癸巳存稿

卷十四

五

連筠篔叢書
靈石楊氏栗

之安國又自傳司馬遷及都尉朝以次傳膠東庸生清河胡常號徐敖平陵徐暉河南桑欽此皆不立學官而見儒林傳者扶風賈徽受書於暉徽傳子逵見本傳杜鄴亦扶風人後漢書儒林傳云杜林傳古文尙書林鄴子也魯國孔僖者亦世世傳古文拜郎中其時自安國所傳於外之古文若有違僖以古文立朝必能舉之矣林傳濟南徐巡東海衛宏宏定古文官書逵傳孔氏學爲林作訓馬融爲之傳鄭君爲之注解其傳授則劉歆移文所云古文舊書藏於祕府轉問民間則膠東庸生之學與之同外內相應鄭本有注無注及伏生先出之書皆孔子所見之文也今其書非先立博士者則皆

不傳而隋人劉光伯引晉書及唐人枚本正義皆爲枚書僞造柔欽以後傳授之人又斥古文鄭注爲張霸僞書按漢書儒林傳言霸書百兩篇成帝時以中書按之非是細其書鄭本無百兩篇又言霸分析合二十九篇爲數十正義引鄭目惟顧命分康王之誥盤庚分三篇又異霸書是爲枚學者不識數也鄭有注者堯典臬陶謨禹貢甘誓湯誓盤庚三篇高宗彤日西伯戡黎微子牧誓洪範金縢大誥康誥酒誥梓材召誥多士無逸君奭多方立政顧命康王之誥費誓呂刑文侯之命秦誓皆伏生故有說立博士謂鄭爲古文者鄭君云我先師棘下生孔安國亦爲其說故古文得自爲一學有師癸巳存稿

卷十四

六

連筠篔叢書
靈石楊氏棗

說又秦誓三篇民間所得武帝使博士起傳故獨有傳與書序總三十五篇三十一卷秦誓疏云李暉集注尙書于僞秦誓每篇引孔安國曰計安國必不爲彼書作傳不知安國作傳止秦誓三篇他古文無傳枚氏僞爲不知孔穎達且悍然爭之其事至今始明也其未立博士之篇馬融所謂絕無師說者謂之逸十六篇舜典汨作九共九篇大禹謨棄稷五子之歌盾征典寶湯誥咸有一德伊訓肆命原命武成旅獒囧命二十四篇十六卷皆同題同卷古文本四十六卷武成一卷建武之際亾鄭以博士秦誓一卷蓋之復得四十六卷皆序自爲卷漢書楚元王傳云逸書十六篇藝文志云以考二

十九篇得多十六篇荀悅漢紀武帝紀云得古文尙書多十六篇孔安國家進之云多者明伏生書雖少於孔壁書而史記儒林傳所謂求其書亾數十篇獨得二十九篇者實與孔壁書同後先相應也枚氏書則以孔壁文有師說之三十二篇分去書序又分堯典出舜典分泉陶謨出益稷以三十一篇爲三十三去孔壁文無師說者又去泰誓而造大禹謨五子之歌胤征仲虺之誥湯誥伊訓太甲三篇咸有一德說命三篇泰誓三篇武成旅獒微子之命蔡仲之命周官君陳畢命君牙囙命通孔古文及書序爲五十九篇五十一題同序同卷分序去一大禹謨泉陶謨益稷同序去二康誥酒誥梓材癸巳存稿

卷十四

七

連筠篔叢書
靈石楊氏采

同序去二通去五卷以合藝文志四十六卷之數不知同序同卷大禹謨雜入伏書卷中難置多少之數枚視伏書題多二十一文多十九篇多二十五卷多十八卷又半何云多十六篇傳自桑欽乎至民間泰誓已立博士漢人或疑之劉歆欲立古文亦不舉泰誓知古文中不得有泰誓枚乃造泰誓三篇尤其愚拙之迹其序稱巫蠱事漢書楚元王及儒林傳皆有之然安國嘗爲其說未聞泰誓外承詔作傳則孔傳之僞亦可知也毛奇齡以楊倫傳誤文謂賈馬鄭爲泰書非孔學建武時天下初定杜林於西州獨懷泰書古文一卷耳非有四十六卷又賈逵爲作訓是有訓注之卷不得以論無注

之十五卷奇齡徒以明人應試妄攻古文吳澄歸有光僞造
尙書二十九篇古經十六卷之文徧檢漢志無之又陰妒閻
氏若璩疏證之作閻桐鄉錢甲漳浦蔡甲謾語激而右枚反
以鄭之四十六卷當秦書一卷則爲枚學者終不識數且謂
杜林東漢初入後漢書列之東漢末諸儒之後明別之爲非
孔學曾不覽漢書亦列安國於西漢末諸儒之後以非博士
業然則後漢書列杜林於諸儒後正明其爲孔學且桓榮賈
逵杜林鄭馬皆自有傳故附見之儒林傳末毛於此學而不
思書詞書字適以發枚覆所引篇目盡背於古枚文之罪在
塞絕孔書而自晉以來朝典文章半出枚義則此二十五篇
癸巳存稿

卷十四

八

連筠篸叢書
靈石楊氏聚

爲考訂詞頭之用亦儒者不可少之書是毛書不爲無俚雖
然枚文固宋以來言精言微言心性者之資糧也而朱子獨
以爲疑嗚呼卓矣嘉慶甲子正月十三日

法言文中子

法言之書強好之者多不明其文理序言圖徽者徽徽通言
自謀樹幟也而宋咸注云圖善師爲桐子命者桐侗僮童通
而注云桐洞也問銘荅以慎言禮書者謂銘法見禮記而注
廣言膚淺酒誥篇空今亾者謂今不能補而注云今文亾古
文有舉蜀莊以旃者謂旌名也而注以旃爲之知幾先甲一
日易者揆度易也後甲一日難者謂乙抽軋而出難也而注

反云先未兆後已形重黎篇欲讎僞者讎售同而注云匹也
孝至篇處僞者處度也而注云居僞皆不明文理又先知篇
明言井田肉刑而孝至篇復井刑注云井田象刑是違法言
本意又重黎蓋天應難未幾者楊雄自言其難蓋八事而注
不知淵騫篇周順赧者順謂慎靚王而注亦不知知讀法言
者多愚矣文中子王通必有其人作書者蓋王疑父子夸誕
可憐人也其云子之家廟座必東南向不忘先人之國似非
情理又云子之家朝服祭器不假又云子躬耕庶人之職也
何當有朝服蓋虛造語言隨意所之耳

異端

癸巳存稿

卷十四

九

連筠移叢書
靈石楊氏棗

魏王肅字子雍何晏字平叔王弼字輔嗣晉皇甫謐字士安
唐啖助字叔佐趙匡字伯循陸質本名淳字伯冲宋孫復字
明復王安石字介甫此九人者茂乘典文幽沈仁義游辭淳
說波蕩後生使易書禮春秋論語舊說盡亂而王肅取爲精
悍兼采馬融賈逵之與鄭異者羅織之時蜀李譔亦皆依準
賈馬與王氏殊隔初不見其所述而意歸多同其餘人益不
足責矣

揃

士喪禮云蚤揃如他日注云斷爪揃髮也人君則小臣爲之
他日平生時士虞記作搔翦喪大記作小臣爪手翦髮莊子

外物篇言訾掇可以作老蓋平鬢眉鬢不使老醜鄭以掇爲
揃鬚義本喪大記所謂事死如事生也有明新吾先生呂坤
者非之曰斷爪翦髮何謂也體受歸全存之何病郝敬又爲
之說曰剔手足甲曰爪刷鬚鬢曰揃鄭語揃爲斷鬚非也蓋
呂止讀禮記大全忽發癩論郝則及見鄭注而不深求其義
究之郝非鄭注而呂非周公呂更非矣

南風

史記樂書云昔者舜作五絃之琴以歌南風集解引鄭又引
王肅云南風育養民之風也詩曰南風之薰兮可以解吾民
之愠兮索隱云此詩之詞出尸子及家語案樂記注云南風
癸巳存稿

卷十四

十

連筠蓂叢書
靈石楊氏棗

長養之風言父母之長養也其辭未聞正義云聖證論引尸
子家語難鄭馬昭云家語肅所增尸子雜說不可取證正經
也尋南風之義鄭有師說虞聖元音其辭未聞自是自古無
傳正義之辨乃懦詞也家語書不足道穀梁傳引尸子韓非
子引慎子尸子尸子取古取可據鄭何不取證正經公羊傳
有高子魯子子沈子子司馬子子女子子北宮子公扈子詩
序有高子傳有仲梁子孟仲子論語注有墨子爾雅注有尸
子何非取證雜說蓋此尸子魏時續卷之文事見隋經籍志
宜鄭未聞馬昭不知尸子亦肅增王肅皇甫謐得非所謂怪

誕者乎

井不反唾

不跨井竈儒者行也玉臺新詠魏劉勳妻王宋詩云千里不唾井況乃昔所奉蘇鶚演義引作千里不瀉井況乃昔所奉當是古常談唐李匡又資暇集云諺曰千里井不反唾演義引杜詩注諺云千里井不反唾是唐時亦有此諺反者謂反陳莖唾者謂唾汗之唐人多好穿鑿演義引金陵記云江南計吏止於傳舍及時就路以馬殘草瀉於井中而謂已無再過之期不久復由此飲遂爲昔時莖刺喉而死後人戒之曰千里井不瀉莖資暇集云不反唾唾或爲剝昔人經驛舍反馬餘莖於井後經此井汲水爲莖所哽因言千里井不反剝癸已存稿

卷十四

十一

連筠篔叢書
靈石楊氏栗

後譌爲唾爾反唾是二義不反及不瀉爲一事不唾又一事不得云唾爲剝譌且南朝泄莖魏時何得豫譌爲唾也

陳祥道禮書

孔穎達說月令中星引書考靈曜云主春鳥昏中種稷主夏心昏中種黍主秋虛昏中種麥主冬昴昏中入山斬伐具器械此唐虞時中星月令正義引之蓋文從其類而陳祥道非之云不特如此龍見而雩火流而授衣天根見而成梁凡奉天順人莫不順乎此偏舉不中之星以與孔爭豈非怪乎又嘗見一短書名曰稽古日鈔引有所謂蔡虛齋也者言尙書六宗古說皆謬當爲日一月二經星三緯星四五辰五十二

辰六夫緯星卽五辰經星卽十二辰曾不知此其知蓋與祥道同矣

言書蘆城平話後

五遊異附癡說且聞六民東流亦書

蘆城平話四卷皇明小史十八卷宮史五卷事物初畧三十卷又有買愁集不全皆呂貞九撰句容王君喬年所藏呂蓋天津人其自號赤隱不知何意平話中說熊廷弼汪文言傳樞吳孔嘉吳養春事甚詳前於王氏見明時不全京報天啟四年四月傳樞參內閣中書汪文言卽休寧縣犯賊遣戍之庫吏汪守泰六月審確杖革爲民檢熹宗本紀不載至報稱十二月梁夢環復參汪文言一本奉旨鎮撫司委人拏拿癸巳存稿

卷十四

十一

連筠蓀叢書
靈石楊氏栗

則本紀所云辛巳逮問報稱五年三月錦衣衛取供詞連趙南星等本紀爲日丁丑報又於四月內夾鼎甲單第三名吳孔嘉下云貫南直隸徽州府歙縣人本紀則云三月丙寅報稱八月奉聖旨東林關內江西徽州一切書院俱著拆毀其田土房屋估值變賣催解助三殿工程則本紀之八月壬午也此後報稱抄發王紹徽東林點將錄一卷中開捧把帥字旗將校一名地賊星鼓上蚤內閣中書汪文言六年三月文言族人京官汪汝楫汪澍俱削職爲民間六月東廠奏據告人吳榮告直隸徽州府歙縣人吳養春家貲數百萬爲富不仁一向結交搢紳霸佔黃山砍伐樹木貨賣年久獲利何止

數十餘萬先年巡按御史駱駿曾見其強橫將黃山地趾判斷一半入公卷案現存養春用賄蒙蔽仍霸官山近因大工肇興採取黃山木植應用養春膽敢遣家丁文節到京打點停寢採木旨意又前於天啟五年八月內奉旨拆毀書院養春不遵明旨巧立名色創崇文書院招聚朋黨等情廠臣隨將其黨吳君實吳審叔程夢庚章應薦茅培許應江川佑拘喚訊問符合奉聖旨這欺君抗旨犯人著該廠監候其吳養春著錦衣衛官旗同撫按拿解其賣木賊銀嚴拿家屬監追八月東廠奉聖旨犯人吳養春等質對明白著拿赴鎮撫司嚴刑追贓北鎮撫司奉聖旨程夢庚等贓銀十三萬六千兩

癸巳存稿

卷十四

十三

連筠蓀叢書
靈石楊氏聚

本司立限嚴追吳養春贓銀六十餘萬兩著撫按追解山場木植值銀三十餘萬兩著工部卽差官估賣九月工部奉聖旨黃山木植專差主事呂下問上緊追解其山場丈量等則著定額另奏是月議敘吳孔嘉以三朝要典纂修成十月本紀有丙申逮中書舍人吳懷賢下鎮撫司獄杖殺之不見京報懷賢乃休寧吳罵傳樾梁夢環吳孔嘉者也報又稱七年二月大理寺丞許志吉奏吳養春家財廣布於外請從天津淮揚兩浙諸處嚴追奉聖旨卽差許志吉辦理四月直隸奏黃山木植一案三月間歛縣嚴寺民人萬餘糾合同赴府城拆毀察院尋殺主事呂下問下問厥後牆攜家眷躲入同知

署內現在知府石萬程詳報病軀不能供職奉聖旨這木植一事卽歸併許志吉辦理本紀俱未載報又稱崇禎元年五月抄發逆案節畧許志吉矯旨派賊附逆流毒黃山一案重辟何辭入第三等斬監候秋後處決吳孔嘉交結近侍黃山一案慘殺多人入第六等徒三年納贖爲民其見於官文書者如此而府志縣志無有也讀平話序錄乃知其事其涉吳孔嘉者定逆案時嚴訊吳榮榮故養春家奴竊財逃去旣而依孔嘉孔嘉幼失父其幼讀書及養母費用考試之費與見奄拜義父之贄五萬金皆出於養春養春遣奴吳文節核天津鹽務至京看孔嘉遇榮欲告之榮夜語孔嘉謂養春本殺癸巳存稿

卷十四

十四

連筠移叢書
靈石楊氏聚

孔嘉之父而僞恤其身且黃山木植可助三殿工孔嘉以語奄父奄父笑曰吾得財汝復憾吾義兒固孝子也汝使吳榮來吾爲殺文節故孔嘉入逆案其在六等當時亦以義兒孝子寬之也其實孔嘉父以弱病死其爲魏奄義兒實以功名念重請示養春養春富而愚畀以重賄而不意得禍之酷也魏忠賢傳亦言孔嘉養春有仇誘奴告之父子瘐死又以寺丞許志吉爲評事石萬程則削髮去鬮黨李魯生傳則魯生時爲給事中猶上章劾萬程其鄙頑如此平話中王爾玉者江夏知縣熊廷弼獄承追熊兆珪賊逼之死湖廣人誦言爾玉帷薄不修蓋非誣也此書與點將錄東林籍貫東林同志

錄東林朋黨盜盜柄東林夥天監錄魏應泰夥壞封疆錄並傳其真空家鄉無生父母傳櫬告梁夢環語見汲縣潞王墳旁廟碑不知何所本雍正六年九月河東總督辦東平州牛三花拉案其教名三元會空字教咒云真空家鄉無生父母現在如來彌勒我主乾隆三十七年山東巡撫辦單縣劉省過案其教名五輩道收元教咒云真空家鄉無生父母現在如來彌勒我主蓋邪人邪見同喜稱說汪文言乃能罵之宜觸傅梁之怒平話體蓋多臆造此書於事實似十居其八嘉慶癸亥重過句容住葛仙庵中借平話及舊報爲比附之幾以爲字字可据過宣和遺事遠矣

癸巳存稿

卷十四

吉

連筠修叢書
靈石楊氏聚

義門讀書記

何焯以時文名滿天下用批時文法批書讀書記中批論語舜有臣五人一章云大全采陳定宇說唐虞周平放然後徐徐找出惟字乃字口氣爲下文二句收足難字轉捩地始八面俱到蒙引存疑以爲主周言斯者周也妄生穿鑿試取經文一再讀果如伊所言否也閱至此令人失笑此章不主周言斯字不指周則文義不可解何於康熙二十七年十月許三禮奏云何焯作貢生往來徐乾學門下代作會墨序寓言諷刺乾學託江南巡撫訪拏之康熙四十五年四月奉
上諭文義荒疏不準授職五十四年十一月奉

上諭生性不識恩義革去官銜進士舉人雍正四年三月奉
上諭頗有文名可惜行止不端立身卑劣

聖明垂鑒正以其顛倒是非也何又嘗批有困學紀聞於天
道千四百六十一分里之三百四十八句批云句讀未詳按
前文有三分里之一四分度之一句讀相同若未詳則先已
未詳而獨於此句批之知其生平多欺心之學矣

白席

通鑑綱目有書法發明等書續綱目又有發明廣義等雜於
事實之中卑情諂態甚可厭惡容齋五筆云楊愿佞秦檜檜
食閒噴嚏失笑愿倉卒間亦隨之噴嚏失笑此等書頗似之

癸巳存稿

卷十四

十一

連筠蓀叢書
靈石楊氏琰

又嘗戲謂之白席老學菴筆記云北方有白席鄙俚可笑韓
魏公赴一姻家禮席偶取盤中荔支欲啗之白席遽唱言資
政喫荔支請眾客同喫荔支魏公憎其喋喋因置不復取白
席又唱言資政惡發也卻請眾客放下荔支魏公亦爲之一
笑

晉陽庵

嘗於潘家河沿晉陽庵看客遇一人極訾庵名言京城庵何
得名晉陽庵憶古事有一切比劉肅大唐世說新話云薛良
嗣爲荊州長史荊州舊有河東寺後梁蕭詧爲其兄河東王
造良嗣見而驚曰此江漢之間與河東有何關涉遂奏改之

良嗣寡學深爲人所笑欲引以爲對再思之而止法苑珠林則言河東寺在松滋又有河西寺晉郭璞所造裴薛柳杜四姓居其地

僞笑

明人喜言笑者由趨風氣僞言之文集申曰余笑而不言者必有二三處非是則不爲尖新崇禎中奏疏至有曰豈不笑破天下之口者非是則不爲氣節碧血錄天變雜紀云天啟丙寅五月初六日地震一人折腿臥地呻吟見婦人赤身以物掩下體過此人又痛又笑計六奇明季北畧言此人姓項其笑非當時事理也宋岳珂程史云歐公知貢舉有舉子問癸巳存稿

卷十四

七

連筠篔簹書
靈石楊氏栞

堯舜事是一是二觀者闐然大笑公不動色徐曰疑事恐悞者卽不必用觀者又一笑公他日爲學者言必感類及之然感類非歐所及歐五代史鄭珏傳云唐兵至梁帝哭問計珏曰以傳國寶入唐軍緩其進以待救兵之至梁主曰能了事否珏徐曰恐不易了於是左右皆大笑其笑亦非當日事理事後文章也

右甲子七月在德州札記者言感類非歐事者亦有所見非惟鄭珏傳可證也宋人高晦叟珍席放談云南唐時侍郎楊鑾問妻兄國相湯悅曰不知堯舜是幾件事悅曰如此疑事不要使則非問知貢舉者又舉場亦前有二說珍

席放談云真宗問楊文公簾中何故哄笑對言有舉人上請堯舜是幾事臣荅以有疑時不要使同僚皆笑真宗亦爲之動容又龐元英文昌雜錄云劉莘老言昔鄆州進士李矩赴試問李演曰堯舜何如可以對天地否演曰似此疑惑事切不可用聞者大噱此事雜出未必舉子專不知堯舜故知歐無此事也庚午九月宣城舟中書

衝波傳

釋史載衝波傳云孔子適陳途見二女采桑子曰南枝窈窕北枝長荅曰夫子遊陳必絕糧九曲明珠穿不得著來問我采桑娘子至陳陳發兵圍之使穿九曲珠乃釋其厄夫子使癸巳存稿

卷十四

六

連筠蓀叢書
靈石楊氏采

回賜返問之其家謬云女外出以一瓜餉二子子貢曰瓜子在內也女乃出見曰蜜塗絲以繫蟻煙薰之蟻乃過金樓子雜記篇云孔子遊於山使子路取水逢虎擊其尾得之納懷中還問曰上士殺虎何如子曰持虎頭中士殺虎何如曰捉虎耳下士殺虎何如曰擊虎尾子路出尾棄之釋史亦引爲衝波傳今常熟南十里有石碣曰先賢言子故里土人言孔子來視子游至此有一人浴河中問之荅曰頭戴衣衫身戲水若問虞山有十里孔子遂反權去也其語甚似著來問我采桑娘其言孔子至吳古亦有之越絕書云孔子從弟子奉先王雅琴禮樂奏於越述五帝三王之道越王問以兵孔子

不荅因辭而去釋史又引吳越春秋云孔子至吳夫差聞孔子至微服往觀之或傷王指王怒欲索而誅之子胥諫則說苑正諫所謂白龍魚服之說也今趙氏吳越春秋無此事或楊方所未削繁別本

科場書

今人謂科場書爲兔園冊非也舊五代史馮道傳云道謂任贊曰兔園冊皆名儒所集道能諷之今士子止看文場秀句便爲舉業兔園冊者唐貞觀時虞世南爲蔣王撰集其人事科場文場秀句王啟所集懷挾本也唐書藝文志總集類有文場秀句一卷類書有韋稔應用類對十卷高測韻對十卷癸巳存稿

卷十四

九

連筠叢書
靈石楊氏聚

卷而不載兔園冊蓋鄙其通俗然其風不始於唐後漢書蔡邕傳封事七事五云諸生連偶俗語有類俳優或竊程文虛冒名氏唐書選舉志云帖經孤章絕言舉人驅懸孤絕索幽隱爲詩賦誦習之不過十數篇難者悉詳矣是漢時有連偶捷錄唐則孤絕詩賦與文場秀句進士明經分有其書宋時又有別本愧郊錄云政和四年六月十九日黃潛善奏比年以來求舉者於時文中采摭陳言區別事類編次成集便於剽竊謂之決科機要詔立賞錢百貫告捉仍拘板毀棄元王暉玉堂嘉話引辛殿撰小傳云旣歸宋非科舉莫進公笑曰此何有消青銅三百易一部時文足矣旣擢第孝宗曰是以

三百青蚨博吾爵者才其爲是科場書謂之時文何遠春渚紀聞云李偕赴試夢陳元仲手執一黃背書若書肆所市時文者顧視不輟畧不與客言其時人士揣摩如此予又於舊攤買得泐科古今源流至論別集二冊計十卷宋黃履翁所集者又在泐科機要之後明史陳幼學傳云稍遷刑部主事時嘉興人袁黃安批削四書書經集註名曰刪正刊行幼學駁正其書抗疏論列按此風甚熾乾隆二十九年部議坊間刪本禮記出示銷燬五十四年禁小本經書五十七年五十八年禁刪節經書嘉慶二十年三月禁坊刻四書典制類聯及四書人物類典申珠等書道光十一年十月禁書肆小本癸巳存稿

卷十四

三

連筠蓀叢書
靈石楊氏栞

嚴究板片銷燬十四年七月提督衙門獲文海題備等小本四千八百五十本交刑部

酷儒莠書

夾谷之會左傳云齊犁彌使萊人以兵劫魯侯孔子以公退曰士兵之穀梁傳云齊人鼓譟而起孔子使司馬止之蓋齊以兵來魯以兵應之史記齊魯世家所載是也穀梁又增一事云齊人使優施舞於魯君之幕下孔子曰笑君者罪當死使司馬行法焉首足異門而出史記孔子世家云倡優侏儒爲戲而前孔子曰匹夫熒惑諸侯者罪當誅有司加法焉首足異處齊侯懼而動陸賈新語云優施舞於魯公之幕下孔子

曰君辱臣當死使司馬行法斬焉首足異門而出齊人瞿然而恐後漢張升傳守外黃令趨明威戮曰昔孔子暫相誅齊之侏儒手足異門而出故能威震強國反其侵地後升以誅死此四引孔子之事乃委巷窮儒忤螫之心無所泄造此莠言上誣聖人不可訓也優人笑惑乃其職於禮宜卻之於法不得死且魯豈當殺齊優實其說是行不義而殺不辜齊人怒而魯君不返也矣人有做行之者史記李廣列傳云廣夜行霸陵尉醉呵止廣宿亭下廣爲將請尉行至軍斬之魏志楊阜傳云阜爲將作大匠欲上疏省宮人諸不見幸者乃召御府吏問後宮人數吏守舊令曰禁密不得宣露阜怒杖吏

癸巳存稿

卷十四

主

連筠篔叢書
靈石楊氏采

一百數之曰國家不與九卿爲密乃與小吏爲密乎夫霸陵尉職應止夜行者魏令將作大匠不當知後宮人數尉與吏賣法則君子殺之守法則廣斬之阜杖之豈非器小心螫舞文肆毒者乎世說云褚裒微行住錢塘亭令至亭吏驅裒移牛屋下後令知之爲具饌於公前鞭撻亭吏欲以謝慙公與令酌宴言色無異狀如不覺唐語林云陸充公爲同州刺史僮遇參軍不下馬參軍鞭之謁公謝去公曰不下馬打也得不打也得官人打了去也得不去也得褚陸皆所謂雅量者褚不原吏奉令之苦陸庇其僮刻者記之以爲美談是真莠矣藝文類聚載桓譚新論云余歸沛道疾蒙絮被絳罽襜褕

乘駢馬宿東亭亭長疑是賊發兵夜來余令吏勿鬪乃相問
而去後漢書韓康傳云亭長以韓徵君當過方發人牛修道
橋康過亭奪康牛使者欲殺之康曰此自康與之亭長何罪
乃止亭長不覺盜罪也倘譚吏與鬪無論勝敗亭長小吏必
終受誣奪康牛正所以爲康也乃欲殺之倘不奪康牛當奪
誰牛道橋不修又當死以此知小吏不可爲而桓譚韓康不
失爲君子也其尤異者晉語云趙盾以韓厥爲司馬使人以
乘車干行厥僂之盾召厥禮之曰吾故以是觀汝也夫厥之
能守法也固矣盾所使之人何罪以此推之魏志曹植傳注
引世語云太祖遣太子及植各出鄴城一門密教門者不得
癸巳存稿

卷十四

三

連筠篔叢書
靈石楊氏聚

出以觀其所爲太子至門不得出而還楊修先戒植若門不
出侯受王命可斬守者植從之不請符而斬守者與叛逆何
異修他日被誅植終不能奪嫡知太祖英察矣又以此推之
高歡語長史薛琬言使其子洋治亂絲洋拔刀斬之曰亂者
必斬夫違命不治絲獨非亂乎其意蓋倣齊君王后以椎解
環不知環破卽解亂絲斬之仍不治也漢書龔遂傳云臣聞
治亂民猶治亂絲不可急也緩之然後可治高氏父子不足
論然歡在洋之愚惑不至此其狀迂而很乃無知酷儒之莠
言此東坡志林所謂杜默之豪正京東學究飲私酒食瘴死
牛肉醉飽後所發者也

朱弁曲洧舊聞云建隆間竹木務監官患所積材植長短不齊乞翦截俾齊整太祖批其狀曰汝手指能無長短乎胡不截之使齊長者任其自長短者任其自短弁親戚有見此狀及批者其言似可信邵博聞見錄則云破大爲小何若斬汝之頭乎言已近矣王鞏清虛雜著則云三司奏截大枋太祖皇帝批其狀曰截你爺頭截你娘頭其愛物如此周密齊東野語則謂手指言文弱無氣象太祖以三司請截摸枋大材脩寢殿批曰截似你爺頭截你娘頭別尋將來真大哉王言也此何王言氣象蓋以史記漢高慢罵而倣以爲書其愚如癸巳存稿

卷十四

三

連筠綴叢書
靈石楊氏棊

此蔡條鐵圍山叢談云溫成叔堯佐除節度宣徽景靈三使包孝肅爲中丞擊焉其白簡駭人不忍聞而昭陵容之曲洧舊聞則云張堯封除宣徽使包拯乞對大陳其不可反復數百言音吐憤激唾濺帝面帝卒爲罷之張堯封溫成后父也仁宗退謂后曰中丞向前說話直唾我面汝只要宣徽使宣徽使豈知包拯是中丞乎尋宋仁宗及溫成並無得罪於羣臣百姓溫成事見本傳見孫甫包拯唐介張擇行王舉正傳英宗立後諸名正人者皆以仁宗無子不使之御內爲臣僚擁戴英宗功因追罵其時宮掖以自表其忠堯封爲宣徽使並無不可何至憤激唾上面且堯封爲石州推官卒後溫成

幼無依始入宮何由既貴後爲父求官又溫成既卒五年包拯始爲中丞仁宗何緣以告溫成欲使溫成緣何知之今加以妄詞述中丞狂悖皇祐童騷宋之臣子忍爲此言者蓋以晏子春秋齊景形狀而做以爲書其愚如此李元綱厚德錄引丁謂談錄云竇儀見客四弟已貴皆侍立王闢灑水燕談錄云王祚見客子宰相溥侍立陳省華見客子堯咨堯佐等侍立皆云學生禮當然其言可詫又云堯咨守荆南宴集以弓矢爲樂母夫人曰汝父教汝以忠孝輔國家今汝不務行仁化而專一夫之伎豈汝先人志耶杖之碎其金魚射爲六藝之一州將習射乃正業忠孝之行也受杖當解金魚杖碎癸巳存稿

卷十四

三

連筠蓀叢書
靈石楊氏栗

金魚金堅且碎人骨折矣衰門賤婦亦不至此堯咨母不當有此言此事明方所集事詩鑒引此爲賢母著書者含毫吮墨搖頭轉目愚鄙之狀見於紙上也

談元莠書

宋蘇軾言每日胸中出少許議論積久便成一書此宋時習派不問是非甚害事也五總志云王介甫以動靜問東坡東坡曰精出於動神守爲靜動靜卽精神也按精靜同聲神从申動也蘇說乃相反灑水燕談錄云晁迥言人耳有靈響聽於靜中似鈴聲遠聞者耆年之後愈覺清澈如幽泉漱玉如清磬搖空如秋蟬曳緒以爲三妙音石林燕語云晁迥晚年

耳中如潮如磬聞聲如簧如雷如鈴如潮如磬如蟬如泉爲
學佛仙之驗按此衰年腎枯之病也耳脈在腎骨之本在腎
腎枯則骨之相接處不潤故精澀神疲喜按摩欠伸頭骨不
動腎枯則頭昏失志骨之腠理磨響耳根自聞之乃以爲妙
此種議論雖少許然不如不出也

誇誕莠書

四庫書提要以蔡條鐵圍山叢談爲文章中小人之雄蓋以
其文姦怙惡梁谿漫志亦以爲無忌憚之小人然此誇誕短
見之書也誇誕乃小人之常惟條言實有不可解者稱宋故
事天子誕節宰相獨登殿上天子萬壽天子還內宰相夫人
癸巳存稿

卷十四

五

連筠篔叢書
靈石楊氏采

獨登殿奉觴上天子萬壽仍以紅羅銷金鬚帕繫天子臂此
儒臣之至榮云云宋立國亦有法度不當有此故事而條言
蔡京妻嘗爲之按宋史姦臣傳云帝幸蔡京第命坐傳觴京
謝表云主婦上壽請醕而旨從京子攸爲開府少保得與宮
中祕戲侍曲宴多道市井姪媠謔浪語妻宋氏出入禁掖乃
知母子姑婦同此汙穢而條又誣之爲宋朝故事謂宰相夫
人皆如此則是誣哲宗以上而於此自暴其母之醜君臣父
子夫婦之倫皆無之卽在誇誕之中亦是莠言正人君子不
忍信也

曠達莠書

晉人元虛之學大臣世族賣國肥身流毒甚久事由父子兄弟漠不相關而君臣朋友因之潰敗子以字呼父弟以火攻兄已不足責謝氏家範差勝於王然晉書謝元傳云謝安日子弟亦何與人事而正欲其佳元曰譬如芝蘭玉樹欲使其生於庭階耳宋書謝宏微傳云宏微讓財不爭曰分多共少不至有乏身死之後豈復見關此皆千年所傳名言謂子弟不與已事死後不復見關其言慘忍刻忍欲於君臣朋友之際望其終始豈可得乎蓋其心可疑矣此又老莊釋氏之莠也

惇儒莠書

癸巳存稿

卷十四

壬

連筠移叢書
靈石楊氏采

呂氏春秋言湯克夏大旱七年乃以身禱於桑林自以爲犧牲用祈於上帝民乃大悅雨乃大至淮南子言湯時大旱七年卜以人祀湯言我自當之乃使人積薪翦髮及爪自潔居柴上將自焚以祭天火將然卽降大雨此凶年鼓亂之惇言也魏志文帝紀記載漢魏禪代眾事太史丞許芝言周公反政尸子謂孔子非之以爲周公不聖不爲兆民也又輔國將軍等奏孔子曰周公其爲不聖乎以天下讓是天地日月輕去萬物也此尸子蓋王朗家物後王肅出其本有續卷見隋經籍志又梁書高祖紀中興二年正月府僚勸進云使夫匹婦小兒羞言伊呂鄉校里塾恥談五霸亦可謂惇矣

明常熟徐復祚花當閣叢談村老委談云里中有邱老四者賊魁也著一書名胠篋秘訣有庠生者從之盜按莊子外篇云儒發冢大儒臚傳小儒稱詩曰青青之麥生於陵陂生不布施死何含珠爲梁書良吏傳云邱仲孚齊永明初選爲國子生舉高第未調還鄉里家貧無以自資乃結羣盜爲之計畫劫掠三吳仲孚聰明有智畧羣盜畏而服之所行皆果故不發南史亦同此皆秀才作賊才能著書者也若晉時則戴淵嘗在江淮閒劫掠商旅石崇作荊州刺史劫奪殺人致巨富祖逖作官時夜使健兒出南塘鼓行劫掠俱見晉書傳古癸巳存稿

卷十四

七

連筠篔叢書
靈石楊氏栗

人不以爲奇北齊司徒左長史畢義雲家兗州北境嘗劫盜行旅晚方折節從官見北齊書傳唐以後武達者有之文通則少矣然宣室志云深州錄事參軍李生讀書以詩稱少嘗掠人於太行排入崖下得綺繪百餘段酉陽雜俎云鄭刺史彙當家鄭寅讀書爲盜事發而死雲溪友議云李彙征於循州韋氏莊見韋思敬年八十餘吟古今詩數十家又吟李涉詩乃言少嘗爲盜江鄰幾雜志云大名進士劉建侯與妻同殺人取其金程琳爲知府殺之其人容貌堂堂言詞辨博墨客揮犀云有秀才盜絹官試之賦乃云窺其戶而闚其無人還不謂矣見其利而忘其有義卷而懷之盜絹與古盜犬秀

才不同此固盜也王文簡池北偶談云先世翁媪遇夜有穴其壁者燭之曰君儒生乃作此夫婦出粟與之去錢至敬庵筆記云平公其政爲鎮洋令有捕繫賊並賊至秀才也公曰無此理也責捕而釋賊一日邑七都施姓牆被穿驚起於室隅獲賊解縣則前秀才也乃撻賊此皆常熟所謂庠生者流村老委談又云庠生者姦事主女邱老四大驚以爲必敗案果破庠生者在繫自言之蓋胫篋秘訣中所切戒真奇異書也宋人書有鬼董者其卷五云北蘆塘蓋卽今壽州潁上北蘆橋古三官人訓與安豐彭八繆興國王孝忠借周寶劫臨安赤山閨一

郎家訓與眾誓毋殺人毋汙婦女旣執閨妻中官養女也有

癸巳存稿

卷十四

天

連筠縹叢書
靈石楊氏聚

色寶欲淫之訓怒拔刀將斬寶乃中止閨月寶八興國孝忠皆就縛獨古訓逸去終莫能得紀文達如是我聞云李金樑李金柱劫一節婦鬼神怒視後並伏法又述李鴻志言鳴轂躍馬三十年夥黨中敗者十二三不敗者十七八若一汙人婦女屈指計之從無一人不敗者故恒以是戒其徒灤陽消夏錄云齊大與眾行劫眾劫淫一婦齊大挺刀解之後羣盜就捕駢誅惟齊大終不能弋獲合古訓庠生者李志鴻齊大之事知胫篋秘訣之言不謬或言盜多縱酒媚妓家此姦盜各案非姦盜並行也少時見句容名捕居明者天王寺大盜採花官追之急居請寬免比言此案必破以身任之案果破

令爲歸安費君元震厚賞而問之居明日盜而姦爲無理故必破費笑曰盜豈有理耶居明日固也偷劫皆出無柰採花非無柰鬼神惡之故強盜拒捕情急殺人有漏網採花獨無漏網者人神交乘之也論亦廉悍矣哉

書太清神鑑後

太清神鑑山根橫列第五位魚尾缺陷是賊人也色惡則被引也年上橫列第七位盜賊發惡色者卽是賊痣生眼脰上者王作賊生盜部主姦竊眼脰上應是映上列子說符篇晉有卻雍者能視盜之貌察其眉睫之間而得其情晉侯使視盜千百無遺一焉羣盜殘之眉睫之間殆太清神鑑所謂映癸已存稿

卷十四

完

連筠蓀叢書
靈石楊氏棗

而誤爲脰也

鄧析子跋

鄧析子書不多語平易近人有理致無譁訐之習意古所謂鄧析書不止此如淮南萬畢術別有篇策也世言子產殺鄧析非也鄧析蓋與子產同里居列子仲尼篇云圃澤役者伯豐子過東里遇鄧析鄧析言執政功伯豐子曰無知無能而知與能爲之使執政乃吾之所使鄧析無以應楊朱篇云子產以兄朝弟穆爲慮密造鄧析而謀之鄧析使誘以禮義之尊朝穆謂鄙而可憐鄧析日子產與真人朝穆居而不知也子產與鄧析甚厚且左氏春秋有年月爲檢必不誤左氏云

定公九年春鄭駟歇殺鄧析而用其竹刑是駟歇事荀子非
十二子云不法先王不是禮義好治怪說玩奇辨持之有故
言之成理是鄧析也則鄧析自有罪列子力命篇又云鄧析
操兩可之說設無窮之辨作竹刑數難子產之治子產誅之
呂氏春秋離謂則云鄭國多相懸以書者子產令無懸書鄧
析致之令無致書鄧析倚之令無窮應之亦無窮不可無
辨罰愈疾其亂愈疾洎水甚大富人溺有得其死者富人請
贖之其人求金甚多以告鄧析鄧析曰安之人必莫之賣矣
得死者患之以告鄧析鄧又荅之曰安之此必無所更買矣
子產治鄭鄧析務難之與民之有獄者約大獄一衣小獄襦
癸巳存稿

卷十四

三

連筠蓀叢書
靈石楊氏琛

袴民納衣襦袴而學訟者不可勝數是非無度而不可日
變欲勝因勝欲罪因罪鄭國大亂子產殺鄧析而戮之民心
乃服其事甚鄙鄧析爲大夫有田祿不得愛衣袴小利當是
鄭國有此人子產殺之鄧析收得其書列其事指與刑鼎相
難者別條出爲竹刑卽荀子所謂好治怪說者子產卒後二
十年駟歇以他罪殺鄧析初子產所殺者人不得其名以其
術盡鄧析所輯書中遂以書名其人耳訟書古不傳或言當
在名家或言當在縱橫家然大半鄙淺不能歷久唐人雷民
傳云雷州雨後野地得鬻石謂之雷公墨凡訟者投牒必以
雷公墨雜常墨書之爲利則又厭勝之術訟師多奉之周興

令侯思止等招集數百人作告密羅織經宜多卷軸然大唐
新語止云一卷唐書來俊臣傳云與其屬朱南山萬國俊作
羅織經一篇具支脈綱由咸有首末按以從事則止一篇也
今亦不傳宋沈括筆談云世傳江西人好訟有一書名鄧思
賢皆訟牒法也其始則教以舞文舞文不可得則欺誣以取
之欺誣不可得則求其罪以劫之蓋思賢所記師傳交構詭
義其時有刻板乃通行故古訟書不傳訟書以鄧思賢爲取
古或其人姓鄧書本無名傳者以人名其書或卽書名示思
鄧析之意皆未可知元周密癸辛雜識云江西往往開訟學
教人如策科之法出甲乙對答及譁評之語專門於此從之
癸巳存稿

卷十四

三

連筠蓀叢書
靈石楊氏棗

者常數百人所讀蓋鄧思賢也乾隆七年四月初二日部議
坊刊賣訟師祕本驚天雷相角法家新書刑臺秦鏡等書及
擬定膚受式揀造成險惡套語者嚴加查禁賣者杖一百徒
三年買者杖一百近又有蕭曹心書徹膽寒鐵木犁霜毫寫
心等書語極狠很覽其文意乃必敗之道不知何以能行也

不昵婦人

漢書朱博傳云博夜寢早起妻罕見其面吳志劉繇傳注引
吳書云顧悌待妻有禮常夜入晨出希見其面此史傳相襲
不致思之詞其妻卽驕惰亦不當以婦人日日早寢而晏起
至不見其面也南史徐勉傳云勉參掌軍書劬勞夙夜動經

數旬乃一還家羣犬驚吠北齊書邢劭傳云劭與婦甚疏未嘗內宿自言嘗書入內閤爲狗所吠言畢便撫掌大笑周書蕭譽傳云譽性不喜見婦人相去數步遙聞其臭經御婦人之衣不復更著囊牖閒評云蘇軾與友朋羣居性不昵婦人此或由勤於人事或歷憂患亦或由天性南史何點傳云感家禍欲絕婚宦尙之強爲娶瑯琊王氏禮期將親迎點累涕泣求執本志遂得罷老又娶魯國孔氏女點雖婚亦不與妻相見築別室以處之人莫喻其意魏書夏侯遷傳云父母爲結婚韋氏道遷云願懷四方之志不願娶婦家人咸謂戲言及至婚日求覓不知所在北史云齊褚伯玉年十八父爲癸巳存稿

卷十四

三

連筠修叢書
靈石楊氏棊

娶婦婦入前門伯玉從後門出遂山居梁書劉訐傳云兄絜爲聘妻刻日成婚訐聞而逃匿事息乃還蕭視素傳云妻王儉女久與別居遂無子王鞏聞見近錄云李化先少好神仙父母令娶婦禮席之日化先踰垣而走此皆畸人也

止欲閑情

古人止欲閑情正情靜思諸賦譏之者以曲終奏雅其自託則曰發乎情止乎禮義或言情則野犯無禮義言禮義則矯僞不近人情是爲有損無益之文蔡邕協初賦云情罔象而無主曹植洛神賦云心振蕩而不怡欲動情肆窮其幽隱所謂血氣未定戒之在色也司馬相如美人賦云女乃弛其上

服表其中衣皓體呈露弱骨豐肌時來親臣柔滑如脂臣乃
脈定於內心正於懷其言脈定於內與情罔象心振蕩相對
真麗則名言要在定血氣也

左傳女陽物而晦時

左傳昭元年云女陽物而晦時六字俱詳本傳此語乃綜其
義女者上云近女也陽者上云六氣陽正義引先儒云陽金
燥也物者上云物亦如之注云物事也晦者上云六氣晦正
義引先儒晦為水謂昏黑也時者上云君子有四時夜以安
身也言近女為金燥之事在晦亦當順安身之時不可過干
過干則燥為內熱晦為惑蠱杜注云女常隨男故曰陽物其
癸巳存稿 卷十四 三 連筠篔叢書
靈石楊氏聚

議論

長白美人

詩頌人云頌人其頌澤陂云有美一人頌大且卷頌大且儼
車牽云辰彼頌女女貴大也史記田敬仲世家云選齊國中
女子長七尺以上為後宮蘇秦列傳云後有長姣美人後漢
書馮勤傳云祖燕長不滿七尺常自恥短陋恐子孫似之乃
為子伉娶長妻生勤長八尺三寸魏書陸琇傳云毋赫連氏
身長七尺九寸蓋婦容以長為貴漢法八月選女必身長合
度長白即美德賈納短青晉之所以亂也唐書亦言元宗選

長白女子侍太子鹽鐵論刺權云中山素女亦長白女子也
宋人記龜鶴夫妻短鬪亦貴乃偶然耳

元牝

列子天瑞篇云黃帝書曰谷神不死是諸元牝元牝之門是
爲天地之根綿綿若存用之不勤其法黃老元素之所同道
家河上公老子注云元在上牝在下以元爲鼻牝爲口抱朴
子同因此有人中之說是孔氏談苑中山詩話上官泌下官
口鄙諺之證矣二仙傳道集云一腎在左爲元以升氣上傳
肝一腎在右爲牝以降液下傳膀胱是又醫士右腎命門之
謬說也今按牝者古人以爲谿谷所謂虛牝者如今言空洞
癸巳存稿

卷十四

言

連筠蓀叢書
靈石楊氏聚

朱子語錄云牝只是木孔承柁能受的物事元牝者至妙之
牝不是那一樣的牝其言若卽若離嘗深思之元者白虎通
五行篇云元冥者入冥也是元爲入牝者唐律衛禁上釋文
云有穴而可受入者爲牝則元牝之爲古語可知爲表出之
儒者可勿復道矣

李娃傳

太平廣記李娃傳文筆極工所云常州刺史滎陽公及其子
姓官爵劉後村詩話以爲鄭亞鄭畋然稽之唐書宰相世系
表鄭氏滎陽房中無有合者蓋故錯隱之開元天寶遺事記
長安妓劉國容使女僕送天長簿郭昭述至咸陽小說所言

地勢多不相應此傳所言坊曲頗合事理長安圖志平康爲朱雀街東第三街之第八坊其第九坊卽宣陽以丹鳳門街言則第五坊平康第六坊宣陽傳云平康里北門東轉小曲卽宣陽是平康宣陽路皆直南北其街則直東西傳又云日暮計程不能達則作傳者信筆漫書之非實情也布政里則在朱雀街西第三街去平康甚近其詭云延秋門外則西城城外託詞取有情理又案北里志云平康入北門東迴三曲卽諸妓所居又其南曲中者門前通十字街蓋宣陽平康南北俱有曲可通不必外街阮籍詠懷詩云捷徑從狹路僂俯趨荒淫古所謂狹斜乃此之謂

癸巳存稿

卷十四

三

連筠篔叢書
靈石楊氏栗

魏策龍陽君正注

魏策龍陽君注云幸臣吳師道正注云幸姬也非楚安陵鄢陵壽陵趙建信之比長孫佐輔于武陵詩皆以宮人言之案師道以唐詩說國策其證已弱且唐詩亦有誤本文選齊陸韓卿中山王孺子妾歌云子瑕矯後駕安陵泣前魚泣魚之事非安陵乃龍陽也阮籍詠懷詩宋顏延年注引龍陽安陵事後云安陵君所以悲魚也未語有缺文而相傳已久陸詩蓋本顏注此後詩人相承誤爲安陵佐輔古宮怨云棄前方見泣船魚武陵長信宮詩云一從悲畫扇幾度泣前魚二詩又本陸氏謂是安陵元和姓纂云安陵小國其後氏之安陵

纏楚王如故以爲宮人是也二詩本說安陵師道引以證龍
陽其疏一也師道未讀陸詩若依陸詩泣魚必妾則子瑕亦
宮人矣其疏二也楚策安陵君正注亦引姓纂以爲女子則
此正注當云正楚安陵之比乃云非楚安陵之比二處皆名
正注無所適從其疏三也師道惟補注多可取楚策云嬖色
不避席寵臣不避車蓋言驕寵也補注云文選注引嬖色不
弊席寵臣不弊車真語言嬖色不徹席寵臣不盡輪則言榮
華易落寵不能久其義可傳秦策云美男破老美女破少乃
逸周書武稱解文補注云修文御覽引作美男破老美女破
車破車無意義誤文也

癸巳存稿

卷十四

三

連筠篔叢書
靈石楊氏栞

癸巳存稿卷十四終

癸巳存稿卷十五

黻俞正燮理初

何端簡父事述

何公世璵字澹菴一字坦園晚號鐵山其先世自棗強遷山東新城陳何莊公幼慧六歲喪母能持禮康熙甲子年十九舉於鄉需次得莒州學正以己丑進士改庶吉士散館授檢討充一統志纂修庚子山西鄉試副考官雍正元年正月授山西道監察御史二月充江西鄉試正考官七月提督浙江學政二年七月授兩淮都轉鹽運使經理淮揚海潮災賑是時公領運司鄂文端爾泰爲江蘇布政使皆處天下脂膏地癸巳存稿

卷十五

一

連筠蓀叢書
靈石楊氏采

俱以廉聞三年十一月授貴州巡撫時鄂公總督雲南貴州廣西及將軍石禮哈提督馬會伯辦苗事公奏請

聖訓

世宗批其奏曰武備不可輕視苗夷雖蠢亦人也恩威不可偏用公自通籍翰林十四年自御史至巡撫才三年耳既任事宣上德意周咨山川險要籌撥軍儲值生苗頭目阿拏火阿猛阿戎等十四人赴公自懇奉行法度未嘗反公開示威信使轉諭各寨凡編髮受冠帶者賞以銀牌衣物耀之於其黨以是卉衣椎結之人傾心內屬得全活者萬餘人我兵方進攻下不服者谷隆長寨者貢羊城屯誅首逆阿革阿紀等

兵機大順公又以黎平都勻鎮遠之間古州八萬一寨地廣
千里南通廣西東界湖南土沃人稠物產尤富在三省腹中
由貴州黎平開之此寨得則附近九股黑苗可以勦撫卽會
總督奏調思州府張廣泗知黎平廣泗至卽輕騎趨古州登
諸葛臺盡望見苗寨高下及大小丹江出入圖其險要道徑
生苗大驚欲取之圍未合而廣泗從山肯下得當以報公大
意旣示以威則撫之又保舉貴州人材貢生生員三十二人
五年十月被

恩飲酒宴樂

癸巳存稿

卷十一

二
連筠 繆叢書
靈石 楊氏 采

召入都先是貴東道某以同鄉求保舉不許則參公徇情市

上又以征苗事公屢言可撫恐與軍中意見相左故
召公而鄂公密奏公實心任事無他念公到京卽授刑部額
外侍郎六年二月轉戶部四月轉吏部仍兼刑部五月署直
隸總督公以才不勝外任辭甚切時天氣蒸暑汗出流被面
公旣辭不得請

上命侍臣爲何總督解衣賜人參克什紗表筆墨端硯因
垂詢生平稱意文字公進福字箴六月貴州人材兩次引

見

諭以人品尙屬端謹皆錄用之七年正月二十七日巡察南
三府御史過保定傳

諭使公愛惜精神而公已於二十六日卒矣年六十四遺表請祖父母封

詔書褒恤悉如其請加贈禮部尙書諡端簡內帑給千金治喪喪還所過有司支公祭奠八月改尙書秩一品乾隆元年追贈光祿大夫夫人徐氏晉一品太夫人公主試督學所得多端人歷封疆知人善任初抵黔時張公廣泗來迎馬上問地利民情苗俗行四十里未休至驛館語達且凡事一以咨之張公亦功名自許雍正六年張公已爲貴州巡撫八年苗疆底定十三年又反乾隆元年張公以經略平之公子四體仁秉義崇禮蘊智體仁字西銘性恬淡年四十三始舉雍正癸巳存稿 卷十五 三 連筠蓼叢書 靈石楊氏棗 四年鄉試副榜八年旣葬端簡公入都謝 恩卽授浙江諸暨縣知縣縣人傅阿男者淫狡而肆持官吏短長爲一方害體仁窮治決遣之民大悅諸暨倉穀積弊儲不實具揭言之上官怒調於潛久之調奉化奉化沿海盜多不治體仁興修水利因以得近海舟楫來往盜所從逃竄之路以保甲弭盜古法取有驗編察得其窩線清其源令保甲輪直更鄉保統之使捕役分任邨屯捕頭統之調黃巖丁徐太夫人憂起復發江南辦銅山賑補虹縣知縣縣當宿州靈璧下流十載九溺其西北皆水地汎濫西南爲害乃開河西南洩其水治稻田製屎機貽民興木棉利最後調定遠築西

水石壩衛民田舍以耳疾乞老歸里體仁凡六任縣令奉家
教一果一菜不敢妄取廉俸所積於意氣之發地方公事所
捐亦豪往自喜在定遠時驛丞某年老矣馬瘦儲空當揭參
而不忍也使巡檢協治其事冀以漸而復上官驟察之丞革
職不得歸體仁置酒召之計公私所虧爲具印文清官項辦
裝送之歸體仁終已無餘財教子孫耕讀外不使逐他嗜好
所歷無奇行而士民思之自號長元人稱長元先生年七十
九卒

述曰征苗之役鄂公任之張公成之其間運籌勦撫端簡可
謂賢勞矣三公皆以征苗起功名之際何其盛也昔太史子
癸已存稿

卷十五

四

連筠蓀叢書
靈石楊氏棗

魚以義俠聞而不染縱橫之習軍旅方興以方行矩步者指
畫其間並無猜疑自古難之張公後裔至今稱述端簡又得
張公所輯貴州通志故得於齊侍郎所作傳外補緝之生平
喜人稱說故事見長元先生狀與所聞合故附書其事公父
子皆循循然無新奇可喜而後人樂道之非所謂悃悃無華
者耶虹故魯紅也左傳注晉時猶有紅亭後漢沛國紅也虹
以乾隆四十二年併入泗州今州治故虹治也

汪先生事輯逸

汪先生名廷榜字士瞻影三都人同學稱仰山先生少學賈
二十八歲置貨漢口見帆檣叢集蔽江面十數里人語雜五

方漢水衝擊江波浩渺縱觀之心動歸而讀書學文詞喜馳騁漸不自喜沈思刻意爲短章旣又不自善也乃始爲平正曉鬯之文讀書江寧鍾山同舍生或窺之請與交者數人而已董以學梅鈇戴翼子戴祖啟侯學詩梁燾諸君子皆自好約爲背誦經史之會冬日訪先生值先生笑而出曰吾得之矣眾問之指牆下炭墜曰此立方也取圍與立句股就物推之耳鈇大喜輦其家所刊書贈之於逆旅晤戴震李惇與訂交學益廣中乾隆辛卯江南舉人授書饒州芝陽書院補旌德縣訓導以病歸嘉慶元年舉孝廉方正年老不就試受六品頂戴家資僅中人遇賢豪傾意結納之生平喜道人善獎

癸巳存稿

卷十五

五

連筠篔叢書
靈石楊氏棗

誘後進作文章經指授者皆有理法先生爲文下一字或檢書數十種務得其通不必古人曾用也務使妥貼有光采蓋得揚雄韓愈意者務使合語氣所著四書文名碧山草堂制義自言曰人各有所長經義卽未敢自信時文所言於事理不背而已文有大體吾自知之方先生讀書江寧時與何某出遊過王者輔寓者輔有日記日疏人事遂疏曰某日何先生偕汪兄來汪兄名廷榜黜人住三都碧山學士里有識見人也旣而者輔事敗官案日記索所往還人何先生汪兄俱錄赴蘇州按察司梁燾在亳州聞其事徒步至蘇候之事白人指爲道義交目曰汪梁先生懼名目遠布一日同梁飲噉

笑謂之曰若素不噉肥肉吾勸若始知其味吾素不飲若導
吾飲今亦不離杯罍矣吾兩人殆酒肉朋友也聞者皆失笑
其沈毅如此嘉慶八年七月卒年七十五

述曰嘉慶己未旌德劉君成書入都先生寄文集屬正夔校
定且曰刪竄惟汝癸亥七月先生病亟時適正夔歸里先生
持之而泣以文付其族孫夢桂及正夔八月正夔復出遊知
墓誌及傳已有所屬故輯其瑣事附碧山草堂制義後

胡先生事迹

胡先生梧字樹思徽州府城小北門四管人乾隆丙午順天

鄉試填榜吏誤連試卷實年實字書之遂名梧實其先世儒

癸巳存稿

卷十五

六

連筠篔叢書
靈石楊氏采

者十一世皆學生父璫字澹中爲武學生弟珊文生也鄉試

不中澹中罵於市市人笑曰公武生也謂弟文佳文必不佳

不中宜矣悶而歸明年呈請文試遂舉於鄉成進士時乾隆

甲戌也越十三年丙戌弟亦成進士入翰林澹中終光山縣

知縣先生年十一侍母扶柩歸囊無一錢又無師傅爲無賴

喜與人鬥飢則竊書賣之日倉於外母見書十耗其九則痛

詈之乃自投改過與二弟同讀書日負販於外夜讀書油錢

少鐙光如豆大兄弟三人環讀以夜半爲期自作文不求人

教也先是澹中君在時爲聘邑汪氏女及迎娶資送直千金

屬其兄弟爲變賣居積已授徒里中衣倉稍有餘久之澹中

君有門生官杭州遣信召之至則官以事壞遇親串賣鹽浙中者假貴置湖絹往來揚州又置茶皆獲利時已納粟作監生值玉器貴乃盡以財買玉子解視多灰蠹又自甘肅來者日眾遂折耗接家信妻財又折耗念揚州親串多富者往投之不見收時小押中皆無賴欲得書生爲主謀見先生倜儻迎之去頗自危以計斂諸無賴分金買舟北上僦居旅舍天大寒天津某訪同院友顧見先生肥大面麻黑目長秀倚上胸背隆然裹二蘆花椅褥與之言曰才人也載歸久之辭之保德其知州素與澹中君善好豐坊大學所至刊行然能敬文人先生至使主講書院官日課講章先生不甚解則雜舉癸巳存稿

卷一五

七

連筠蓀叢書
靈石楊氏栞

古今成敗所歷山川人情淳僞以亂其言或阿官好叩以姚江之學曰姚江以學爲支離君言姚江而已何必誣以學也復入都強折節恂恂然不妄語然有忤之者輒登門升高坐大罵務盡其詞而歸人更校否亦不以增減其怒也鄉有爲部郎者語人曰胡樹思吾無法治之遠之而已先生聞之挾冊往登其榻酣讀終日出乾餼自啖至夜分謝之始去年三十中式充官學教習以知縣用值湖北請挑先一日謂弟桀曰吾入挑借支薄俸汝持歸奉母吾單身行矣赴挑不與借補中兵馬司副指揮曰吾昨買得堯峯文鈔方笑司坊官與阜隸伍今卽補是官豈非數也雖然吾不似鈍翁才拜印果

有院阜乘車從奴持刺來先生出坐堂上問坊阜曰院阜與汝品秩同也我見若當何禮坊阜無言使呼院阜已怒去以出迎遲也既聞將挫抑之益大憤欲於院署肆無禮見先生氣甚盛轉怒爲笑曰是作官者乃似我輩無賴也視事三月出見一人強橫詐市賈財繫之歸將撻之已禿袴阜隸彷徨良久叩頭曰刑杖月前供應街道衙門偶未將歸先生瞪曰是矣我乃三月未嘗一撻人也當杖者伏地呼饒放之起罵曰吾好撻人苦無犯撻者汝不配啟撻端後受撻者道汝我識汝舍汝去再繫汝卽舍之中城竊案積年不獲問諸捕捕曰官考成我輩身家也不敢怠玩先生笑而頷之曰然五日癸巳存稿

卷十五

八

連筠蓂叢書
靈石楊氏棗

又問之荅如初先生怒詬曰奴真欲死耶官考成汝何知我知杖汝而已不需汝身家也五日不獲諸偷者汝不欲活矣四日而獲十七案然終未撻人也某者居雲居寺衛衛抑勒人妻事將成矣先生過楊梅竹斜街見之止車告之曰明日事若當自止吾知彼婦無恥不足惜本意明日將吏拘若兩人以耀吾官忽見汝不能自禁以告汝言已驅車去某大感遂止京城偵事者素狡不以實又持官短長先生故挫抑之使偵刺報命惟謹日近詩書所轄無廢事讀史記曰廉吏久久益富不可信也官多妄費而吾衣食裕於教讀時吾不廉人不能知也宦游京師者託事請客斂分金曰撒網司坊官

十五十四俱已請客意不能無動倩人畫例借屋校尉營賃盤盂几席結采召廚人梨園子弟俟代支客者已到乃衣冠乘車往禮容中途忽怩怩驅車返使人稱疾多謝客多酌加飯迨暮家人載金歸先生視之笑曰廉吏之富其以此耶此吾在揚州故智也嘉慶二年十二月補官四年十一月卒先生之言曰吾生平閱歷多矣惟不佞求能自保不能屈抑誠自苦然碌碌者安可託也卒以病肺年四十三意氣平矣子元鼎全鼎文鼎

述曰胡先生真循吏也生平所行發乎情止乎禮義合聖賢之法正變記先生事甚多先生素惡鄉愿因以所記徧求所癸已存稿

卷十五

九

連筠籟叢書
靈石楊氏棗

謂鄉愿者下意延問凡經指示許可之事悉去之故所存止此嗚呼此先生所以賢歟其精神在是矣

駱君小傳

駱君正綸字金門號紫封句容石橋人居城東爲人淳重自愛能文章乾隆庚子句容書生某求督學關節有人持金去某隨之急乃還其金妄言學使已許之矣既而不許某怒搯童生有文章者二十五人先出榜一日張於院外廟壁以君爲第一迨曉榜出名字同者十人而君果第一學使聞之怒屬吏窮捕或怵君君曰此無與我事也不爲動事亦不及之好爲閒散遊登邑中雲龍自馬背岡望茅山三峯若有若無

吟歎自得於人無可否以爲性情形狀皆天賦不能強同以
己見非笑之坐不通也惟不喜人戴近視眼鏡聞鼻煙其說
曰古無眼鏡時人已有目今人多苦鼻柱耳鼻煙學嗅者淚
潄潄下氣息出入腥動數尺外非天性所有故可惡聞者歎
其言可爲故實性不能飲一日攜酒偕友人於邑小南門外
五里岡痛飲流連作詩刻樹皮識焉復坐言鬼神事甚悉忽
歎曰故鄉可樂再三言之歸十日而病初某以揭榜事用狡
計脫而爲眾所詬鬱而死死十三年矣其兄病請君臨訣君
至某現心惡之某兄死君亦卒年四十五時乾隆五十七年
五月也黟縣俞正燮在句容聞之歎曰吾極知鬼神事然不
癸巳存稿

卷十五

十

連筠篴叢書
靈石楊氏棗

分人有死也今駱君死則真有死矣五月晦夢遇之於四牌
樓諱言其死也語之曰君家人甚思君胡久不歸曰死人耳
明日月朔歸人將以爲不吉且緩之吾有事赴城隍司有關
不易過煩送我從之南行東轉過文廟出德配天地坊又東
循兩池間北行卽城隍司廟屋與日所見同堂下人百狀不
齊堂上寂無人直上轉後屏望見顯應閣院落比素見大數
十倍中有河橫去南北屋宇羅列向所未見也相將過河西
轉有屋南向面河近就之忽小矣屋高三尺廣不及尺深半
之分兩層上層有龕一長簷人持瓶插河柳跌坐有二人侍
人持一棒若羯鼓稚空中一棒跳躍細長與所執者同二人

擊弄之盤旋上下聲撻然睇視人亦長大龕後右邊空處審是樓梯下層閉細紅櫺扇紅紙粘似非惡處曰此關也送之過而醒甚駭歎過數日正燮持燭如廁見一紅物負牆高二尺餘俯視之頭忽大若穀箕面皆血也見之不甚畏懼已過心忽怯奪路返物已不見歸坐不樂同學某生聞之鼓掌笑曰大丈夫豈畏鬼哉無何生閉門臥忽大叫甚急鄰舍生持火噪門外始起開門入其室腥臭不可聞生面如死人徐言曰才臥聞門響甚厲自蒙被中有物自被上過如廟中天王手大從首至足所揣處冷徹骨髓聞物歎詫嘶破不是人聲味死大叫幸諸君至聞者股肉起若粟勸生抱被鎖門從他

癸巳存稿

卷十五

七

連筠篔叢書
靈石楊氏棊

人榻畔臥翼日生無言正燮往君柩前祝曰君有靈當助我逐鬼也是夕夢君至笑曰責報一何速耶子一人重基監生述曰正燮於嘉慶甲子重到荷澤窗外丁香將放理別澆灌日夜俟之春風料峭從未閉窗臥也急欲往濟寧夜懸紅燈酌酒別樹倚檻而寐夢駱君至看花歡笑驚起人靜燈炮矣旦將束裝北枝全放時二月十日也神理常存難與庸惡無氣者道念小時一句一字駱君皆奇賞之今知駱君果不死追憶去年冬平度于君重輝鄒平成君瓘新城何君承壯同泛張秋泅河四人坐船篷上說鬼風霜淒緊瀆攢擊真有神物龍魚來傾聽也既來泰安無人談者感丁香偏放之異

因述駱君之事嗟乎知己之感索居之歎生人豈能無之耶
音塵寂斷亦可悲矣

古築兩孫君小傳

孫學道字立人居黟四都古築縣學生也乾隆間邑人能讀
書者汪燾朱鍾何瑞龍鮑元偃程驥葉有廣胡成浚皆有業
有異稟不同於俗學道好學能博覽其識通敏文選漢高功
臣頌注引漢高帝會陳擒韓信此特萬世之事也友人質之
學道曰萬世乃万士之譌万士乃一力士之譌也陸機五等
論注引漢書燕齊之間萬士矚目扼腕萬乃方之譌與此同
檢漢書果然熟於經史言事有條理喜爲詩尤善五言程驥
癸巳存稿

卷十五

三

連筠箒叢書
靈石楊氏棗

曰黟有二絕大星榷子孫立人五言古詩也所娶妒辰乃異
居有二子亦天其詩散失所有古書丹黃粲然有發明亦未
輯錄賣爲寡婦食矣

孫蒙字蒼正布衣也幼學神仙年四十兄死乃強復持家好
數學皆穿穴之通於易其治易喜言人事其言易分爲五一
爲易緯推乾鑿度七書之數及易九厄二爲易支曰易林曰
京氏易傳曰元包曰皇極經世曰三易洞璣曰九宮經緯附
京氏後以洞微數三爲易流曰八陣曰金丹曰地理四爲易
跋曰太元曰洞極曰潛虛曰皇極洪範曰參兩曰範衍曰太
微曰括奇曰靈棋五爲易衍曰龜卜曰蠟法曰太素蠟曰五

運六氣曰太一曰奇門遁甲曰六壬曰演禽曰璣衡曰風角
皆究樸灼布推加減飛行診望之法爲采文補注附說爲作
表摺撫奇核比輯之得十五卷曰周易外傳謂通卦驗不知
里差難施用易九厄多見道書太一家其法本三統當以三
統法置元推之不當雜用他法亂其數又以太一推上元至
嘉慶癸亥積千零十五萬五千七百二十年加陽盈差一百
三十而以周法四千五百六十除之既又得一法推筭爲八
萬六千零四十年又一法積五千二百九十五萬一千零八
十年又一法積四百五十六萬七千零八十年俱存其數以
證古筭家積元不同由其術異非乖謬也西法言開闢至順
癸巳存稿

卷十五

三

連筠蓀叢書
靈石楊氏栞

治甲申六千八百四十年依其定儀推之止五千七百三十
四年則與術不相應其言周易年周法年一爻運周法陽爻
九年陰爻六年世周法陽爻三十六年陰爻二十四年紀周
法陽爻九十年陰爻六十年崇德元年丙子年爻值乾初世
爻入坎初言世驗堯值師水行地上洪水之效禹值比後夫
凶戮防風氏之效唐高宗儀鳳值剝五以宮人寵武后同聽
政之效久視值剝上碩果不食中宗復位效也或疑師比義
曲蒙曰隋書王劭傳引稽覽圖屯十一月千里馬數至應隋
高祖駟騶馬震下足坎上美春駟騶有肉鞍行則作動四足
數至者天祿數至晉書王嘉傳苻堅問世祚嘉曰未央明年

癸未敗於淮南所謂未年有殃占驗之解當如此如祈神籤亦斷章取義也蒙學古雅家貧爲人相宅墓取錢以給家卒於家子繼祖

述曰孫君立人學博而正真儒者惜其書不存養正又通音韻之學亦無書可惜也兩君嘗學辟穀住百尺段石人祠六七日不能堪扶杖歸雖爲俗人口實然亦古雅矣

書李方古

嘉慶元年丙辰正月十一日白蓮教匪劉松餘孽劉之協之黨犯枝江宜都繼而當陽繼而新野蔓延四出而豫而秦而川所至摸郵驅去良民使當官兵鋒官命民間立寨集鄉勇癸巳存稿

卷十五

古

連筠移叢書
靈石楊氏槧

自衛汝陳諸俠素販鹽游博者千餘人籍團練名益收諸無賴方行無所忌分屯數十處其取強者東潁州曰陳魁元西汝寧曰李方古魁元素暴悍借交報讎私梟自淮泗渦汝連舳艫數十而上或相連數百車嘯唱謹諫過鋪汛不敢誰何方古循循然退讓文秀類書生郡豪傑皆敬憚之訟爭不解者得方古一言卽聽千里內皆慕方古時鄉勇皆有梟雄爲之主令行禁止或亦爲民害方古所統有仁義風任俠者互吞噬於方古不相屬而李氏股中傳令索餽借餉未嘗有違者河南王生挾萬金商於蘇州有盜尾之數日王生急投方古盜念方古人多旣識王生卽千里之內不敢動舍之去又

不甘亦投方古告實方古大驚以擾攘之際不敢與爲難且喜其已歸也厚貽之使之遠去行旅皆載方古名以行河南巡撫知之遣陳州知府越境覘方古以無惡迹歸報方古亦自危謝其眾不復見客二年閏六月息縣民張雲路械鬥遣使借力於魁元魁元以五十人往至則事解無所用其武雲路憶數年私鹽爲息縣役所沒欲從眾至城罵其知縣使知縣訓其役放張氏私販也僞爲他邑解囚者數十人執械護之至庭拉散囚車索知縣知縣以事上州轉至外委把總向得琳解得琳念倉猝不敵且用好語慰散之有新附禿者鮑六負莖煙葉刀自後至謾曰是官耶我不與之言卽斫之死癸巳存稿

卷十五

五

連筠篔叢書
靈石楊氏棗

而鮑六貿貿然負刀歸雲路魁元見事急至縣奪馬轉殺由正陽羅山轉至光山界河灣遇其黨詹三方古股中向所分也邀魁元入偵知其黨殺官劫馬事涉反託言過河鳩集旣渡則盡撤船以南射書絕之曰本出姓名要言共拒反者今殺官若爲

天子所赦者請續前好不然卽渡河亦無所歸也魁元得書沿河譟罵詹三怒厲兵渡河大敗之魁元跳歸方古欲鳩眾自守方古曰今大軍逐教匪逃死誠易然反者終伏罪徒爲罪人累鄉里耳且若家室何不如自投以爲官兵功庶幾官宥緩之家人萬一全者魁元不復語七月初自詣項成獄六

日河南巡撫至誅魁元等五人而案結官益以方古勢大不去之終爲害以魁元識方古遣戍之方古亦自喜於遠去也其時汝陽有俠曰大都督武藝敵千人其黨亦千人巡撫至汝寧令汝陽知縣捕之知縣至其家其黨圍之大都督曰我無罪汝等從我卽我罪我去汝輩以安但好爲之無爲教匪所笑也且誠之曰無事不可聚會揮眾退從知縣至城巡撫數其罪斬之蓋河南潁亳之間自古游俠所聚雖以武犯禁妨吏治而大義不敢踰有足多者冀大榮者葉人也素梟勇負貳於外遇賊摸邨縛之去謹防之默識賊旗鼓字號大師傳劉之協閱各營時擁衛威儀甚盛大榮微窺識之久之使癸巳存稿

卷十五

夫

連筠篲叢書
靈石楊氏栗

樵汲遂逃歸爲無賴以自活之協各股在陝西者被讎欲於河南復立一股爲聲援五年六月之協至汝州遇其徒邨縣李岳岳在教中位已尊所屬數百人州之鬧店有徐華平李運泰者向客李方古家拳棒號無敵岳啗以利欲其入教則納其賄岳又遣妻女至其邨游觀會劇授以色誘之入教則又淫之終不入教岳大恨而之協至乃起兵先攻鬧店適二人外出教習則躡其家屠其邨取慘轉掠至翟家寨之協下令摸邨邨民相聚謀曰坐待逃竄皆死也今與之戰幸而勝賊終身不我犯卽敗保寨以俟官兵至則我生矣出戰賊敗賊反得寨據以守徐華平李運泰得耗糾二十七人前追賊

遇布政使馬公至從之踰溝圍寨談兵者曰當開一面合兵法自七月六日丙子至八日戊寅雞鳴寨破二人報讎痛殺賊追奔數十里而餘匪竄於彭山巡撫吳公自南陽撥兵至魯山嵩縣界遇之戰於過風樓又戰於米兒溝十四日盡滅之方初八日之破翟家寨也擒僞元帥李岳僞總兵孫繼元寨中樹劉天王旗殺賊既盡徧搜之協尸不得兵民且恨且懼而葉縣馳報生獲之協初之協欲以辰年辰月辰辰時起事而其徒寅月起至是又以寅日敗之協將逃之湖北過葉縣日昧矣冀大榮方與人鬥而勝提壺沽酒自賀闖然遇之大師傅也念驟執之或致死時無質證是以人命自累也癸巳存稿

卷十五

七

連筠篔叢書
靈石楊氏棗

追隨於野詭稱某股使歸募兵者今得千人之協信之從之收兵乃執以予知縣廖君寅殺豬狗取血塗之之協到部依大榮言陳之堅言大榮是其頭目欲與之同死而大榮以無賴鄉人愬之者日月有案其陷賊供樵汲僅一月乃得免或曰其人姓楊名弼亦方古黨內人也

廣東阮宮保六十壽引集香山文句

皇帝嗣位

畫大羅天
尊贊序三

三年

李公家
廟碑

正月二十日

醉吟先
生銘序

東控

嶺海右扼蠻荒

嚴謨
制

自和氣聚為慶雲

與柳
晟詔

壽星垂文

與顏
証詔

當其冥同訴合之際

為人上
宰相書

以彰我主聖臣良

敢諫
鼓賦

精究之

端

才實兼茂明
於體用策

於是乎在矣

策林二
十七

惟公受天地之和

代表
頌作

王府
君銘生

休明代二十有六年儀言始以進士舉策林善慶所集崔孚

揚其祖美楊冠俗制有理戎殄寇之效康深讓等制公掣經室

德善者將啟後人張諫詩禮弓裘鳥行文章政事范傳冠於

一時高敖曹豈不宜哉策林公為人崔孚抱乎不器之器君

不器淵淵淵淵求元美而有度賦玉立不倚裴垣名實相副

舉人自崔墉士林推美制以為準程李公家如神仙中人也崔

代狀
叔誌
奉

詔而處中侯丕立

內廷微之賜紫歷踐清貫歸登每備

癸已存稿卷十五 六 連筠穆叢書

顧問李絳周知典故康承日麗

天仗叔孫通定吟咏

秘閣王建以茂學懿文裴度含頌成功節頌發揮盛祉元和

表
美歸

聖德論魏徵公至越微之久專外閫程執

召入翰林李公家擇在

禁闈謝蒙恩俾升瑣闥實易而翱翔書府王建潤色訓誥裴

舍人煥乎文章中和嘉猷茂績杜佑太子慶集台庭裴度舍

文質詳略沈傳垂之不朽也禮部策一公由少詹至侍郎

書房直南夫文武迭用魏元海沂之間王智詢謀馳驅楊孝全越

奧區延袤千里丁公著制可使考文以第俊秀韋貫之侍郎制謂出督山東浙江

政協

聖人之昌運黑龍飲渭賦

詔主文之司策林六十八惟四科六藝箴言警策之篇與劉蘇州書優

遊而求之禮部兼取人材論重考科目人狀采而獎之策林六十八作者

之風代書由文取士李善人碑為主司則至公矣與陳給事書謂嘉慶己未科總裁

泊出分戎律李廣制俾換

新命再臨舊邦崔鴻重投刺史制公以少農出無浙舊督學地也天地澄爽叔孫通定朝儀

羣山結青洛川晴望賦太白星高范希朝制

皇靈有截賀平淄青表孽波騰驤黑龍飲渭賦以堅甲利兵相視斬白蛇賦

癸巳存稿 卷十五 尤連筠蓂叢書靈石楊氏栗

駭泉室則龍鼉伏藏黑龍飲渭賦流光垂慶上元歎道文咸有忠勳播

為先德程執恭等同制公在浙定海寇文集推闡封公省會中籌備示畫動修武經程執恭僕射制

明練兵符閻王源制不替前效李夷簡制其在茲乎策林五十九

召赴闕廷崔羣制有恪恭跋涉之勤焉夏侯仕戡等制公補侍郎又出使河南交審

事式示寵名崔楚臣制控轉輸之路柳經李袞制統以上卿裴宏泰知左藏制

以叶便宜盧生致制

聖澤汪洋洛川晴望賦如運神功中和節頌虛舟為心孔殘制若轉於掌

荷珠賦公在浙撫陳海運不可河洛千里許孟容制出領重鎮

嚴綬衛輝見公札府州縣官買經史古書置儒學其意甚盛今御案其度程裴武制文以禮樂張宏靖制河南宴如韓宏制嘉慶丁卯冬在

史乃請令人論理學平語書時道光壬午臘月廷議尙未上

憶前有學政請令人默寫朱子小自長安抵江西三四千里

與微寄深南服與鄭兼文武之秩段佑制江西撫及事鄰

古人袁滋有思興禮樂之道才識兼茂明于體用策公以

昌府學并附刊校勘記人物教化制故稽其地籍策林四量人戶之

眾寡策林五實版圖策林五十骨肉相係荅崔侍兇徒蕩滅

與崇妖沴自清代荅論結都離書謂江西務叢而益辦張

制自移部荆門趙昌制我勵精一意王日度才而授職

國家策林十五憂襄漢之人也制勵精一意王日度才而授職

裴均登進賢哲張宏靖制優劣之間策林四經緯其人焉問二

以禮導人情策林五使人畏愛悅服策林五澤鋪動植中利

癸巳存稿卷十五字連筠蓼叢書靈石楊氏菜

隨材曲直君子不物無遁形明皆得如本願焉畫彌勒上遠

圖是經制裴均移鎮南海趙昌公既下車李公家軍國所資與

恒卿詔依法有程大巧若舉德選能策林五才適其位大巧若

賦役均平策林五人安則心固策林四故臨戎則士樂為用

田穎制筦榷條制裴宏秦榷謹鹽量之出入策林二主計無愆

違制崔陵制況溟漲一隅新羅金滄波萬里與新羅華夷雜居李

簡制有軍課者王瑤服勤靡盬黃士風變化移李公家夫惟不

嫩不味珠賦布寬簡有恒之政吳少誠信明則獷鷺歸命才

兼茂明於求元至矣哉敢諫威綏仁董冊新回鶴啟迪雍熙上元

道亦惟舊典與仕公冠其首代裴頌教化之根動靜交居

其要也策林四十九且臻乎仁壽之域矣禮部第二凡所踐歷杜羔自

江而東政成人又薛戎梁宋之交韓宏荆揚浙右孫簡連鎮

藩維韓皋兼進榮班高榮式是南邦嚴謨寵任益崇韓公殆

三十年嚴綬制公洩山東浙江淮安河南江西夫外擁旌

麾與韓其務甚殷與盧恒或千里移鎮夏州軍使布和惠之

化薛元至於瀑泉怪石桂風杉月荅崔侍或花時宴罷與微

二觴詠半酣白蘋洲文彩陸離黑龍飲或傳諸好事九老會

振金聲於寰海賦故其所著章句往往在人口中王建惟雨

露之留處荷珠則三山五岳太湖靈蹟勝概靡不周覽修香

記膏雨景星所至蒙福李公家廟碑謂夫公之文學張擇

癸巳存稿 卷十五 三 靈石楊氏書

以儒學詩賦獨步一時張仲方而聖人之旨代暨於百氏補

書既又與諸家不同論魏徵循義討源中和或致疑誤奏所

慎簡賓客太湖取天下耳目心識為用為人上得遺編墜軸聞狀

者香山寺新修約義立宗三教論衡盡得其義李善刻獎句

微之賜紫金魚袋制謂不采唐以後諸鄙文文合法要寶易雖言微旨遠禮部推

而敘之傳法堂則六家九流策林六同歸於一揆矣禮部然

後知學在骨髓者自心術得畫豈牽強所能致耶詩學術

精博韓愈舍超軼古今者也賦賦謂十三經校勘公蒼有

餘力李善及居憂榮陽鄭

聖人不得已而奪之邊鎮節度念臣為子之心謝官用表教

狀使起復制

忠之訓與薛萃詔進退出處與微之書不失其道蕭俛吏部尚書制雖古君臣

道合者為人上宰相書蔑以加之范傳正制公雷塘表墓起撫福

督撫允矣君子叔孫通定取是大節奏所由是言之禮部策一

國典褒飾李公家廟碑不亦宜乎李諒薛公幹制

皇帝孝敬寅畏畫大羅天尊贊序二肇撫蒼生為人上宰相書志在繼善畫大羅天尊贊

序一以恩信御百辟與金陵立功將士勅書公獨超然皇甫公銘序久於其

政李正勞績彌彰與希朝制

優詔褒美張誠銘序用旌前勞張正甫制外諧僉議王泌制以為至當論

綴忠忱亮節與仕明詔昭昭然可知矣禮部策二事見張大凡

公之為政也李公家廟碑夙夜祇連筠纂叢書

癸巳存稿卷十五 圭靈石楊氏棗

命崔陵制動靜有儀黑龍飲渭狀故庶類曲從君子不器賦安業厚生林策

五十入福利動植祭匡山文則沖而用之荷珠賦可以導知納粹冷泉亭記

播於無窮續虞人箴序庶臻康濟吳少陽制日濟其美張宏靖制

皇風演溢洛川晴望賦家聲振耀李公家廟碑況霑

慶澤裴度等賜子官制許推恩而及嗣李翹等制三和之氣訢合網繡積

為壽策林十七公受天地粹靈微之銘序工侔造化者由天和來畫記在

氣為春福不得不集畫西方贊序在使之壽貴富策林七輔而成

焉崔孚長生久視之道二教論衡問道士實在於此矣才識兼茂明於體用策

式會嘉辰三教論衡序流為詠歌泛渭賦序僉以為宜盧士玫劉從周制粗寫

鄙意與楊虞卿書引而伸之明達碑

道光壬午冬十二月京都多作壽文寄廣東者因看正定
李寶臣碑有王士則名檢香山集見白公以正月二十日
生亦宮保生日也旅邸夜坐因集此文宮保爲余座師之
師適未出淨本亦以語有猖激漢陽葉年丈取去塗改用
之乃極和平韓愈月蝕詩鄭亞會昌一品集序盧同李商
隱集均存之見文章異同有法也小除日記於黟縣會館

06979

癸巳存稿

卷十五

三

連筠移叢書
靈石楊氏棊



癸巳存稿卷十五
二日京抵冬抄書文卷
李寶臣碑有王士則名檢香山集見白公以正月二十日
生亦宮保生日也旅邸夜坐因集此文宮保爲余座師之
師適未出淨本亦以語有猖激漢陽葉年丈取去塗改用
之乃極和平韓愈月蝕詩鄭亞會昌一品集序盧同李商
隱集均存之見文章異同有法也小除日記於黟縣會館



